

摘藻堂四庫全書薈要

子部

欽定四庫全書薈要

子部

御定淵鑑類函卷三百三十二

詳校官兵部主事_臣雷純

欽定四庫全書薈要卷一萬一千七百八十

子部

御定淵鑑類函卷三百三十二

京邑部一 京邑總敘

京邑總敘一



原釋名都者國君所居人所都會也邑猶俛聚會之稱

也 尚書大傳十邑爲都 增爾雅絕高謂之京 廣

雅四起曰京 說文邑國也今有城郭之聚曰邑 汲

冢周書國枳維都都枳維邑 原周禮距國五百里爲

都 增又曰惟王建國辨方正位 又曰量人掌建國之法以分國爲九州營國城郭營后宮量市朝道巷門渠造都邑亦如之 又曰凡造都邑量其地辨其物而制其域 周禮注六遂之地自遠郊以達於畿中有公邑家邑小都大都焉 考工記匠人營國方九里旁三門國中九經九緯經涂九軌左祖右社面朝後市 毛詩彼都人士狐裘黃黃 又曰惠比京師以綏四國 又曰天命多辟設都于禹之績 毛詩傳京師者諸夏

之父母也 毛詩箋京師者諸夏之根本 又曰京師

以諸夏爲藩蔽 毛詩集註京師山高而衆居也 禮

記千里之內曰甸京邑在其中央 又曰凡居民必量

地以制邑度邑以居民地邑民居必參相得也 又曰

仲秋之月日在角昏牽牛中旦觜觿中是月也可以築

城郭建都邑 又曰天下有王分地建國置都立邑

原左傳凡邑有宗廟先君之主曰都 公羊傳京師天

子之居也師者衆也京者大也天子之居必以衆大之

辭言之 帝王世紀天子畿方千里曰甸服甸服之內

曰京師 又曰天子所居曰都 增國語晉文公請隧

襄王曰昔我先王之有天下也規方千里以爲甸服以
供上帝山川百神之祀以備百姓兆民之用以待不庭
不虞之患 春秋疏都邑者人之聚也 穀梁注建國

立城邑有定所高下大小存乎王制 綱目凡例凡建
都曰都自他所來徙曰徙都屢徙而後定曰定都 綱
目釋義都猶總也天子居以天下總會之所故曰都

史記注京師天子所居畿內也

漢書匡衡傳教化原

本長安天子之都親承聖化然其習俗無以異於遠方
郡國來者無所取則或見侈靡而倣效之此教化之原
本風俗之樞機宜先正者也 續漢書司徒楊彪遷都

改制天下大事皆當因民之心隨時之宜 原管子凡

立國都非大山之下必廣川之上高無近旱而水用足
下無近水而溝防省因天材就地利故城郭不必中規
矩道路不必中準繩 增又曰千里之路不可扶以繩

萬家之都不可平以準 荀子大畧篇欲近四旁莫如

中央故王者必居天下之中禮也 山海經青要之山

實惟帝之密都 又曰帝之下都崑崙之墟 原鹽鐵

論燕之涿薊趙之邯鄲魏之溫軹韓之滎陽齊之臨淄

楚之宛陳鄭之陽翟三川之二周富冠海內皆爲天下

之名都 風俗通丘之絕高大者爲京謂非人力所能

成天地之性自然也京師義亦取此 增漢官儀京兆

絕高曰京京大也十億曰兆欲令帝都殷盈也 蔡邕

獨斷天子所都曰京師京水也地下之衆者莫過於水
地上之衆者莫過於人京大師衆也故曰京師也 譙
周法訓王者居中國何也順天之和而同四方之統

陸贄奏議王畿者四方之本京邑又王畿之本其勢當
令京邑如身王畿如臂四方如指斯乃居重馭輕天子
之大權也 韓愈潮州謝表畿甸之間輦轂之下有善
必聞有惡必見 原初學記唐虞以前都名不著自夏
以後各有所稱白虎通夏爲夏邑商爲商邑周爲京師

是也 皇甫謐帝王世紀伏羲都陳神農亦都陳又營

曲阜

陳今陳州曲阜今兗州曲阜縣

黃帝都涿鹿或曰都有熊

涿鹿今幽州界

有熊今鄭州界新鄭縣

少昊都窮桑

窮桑在魯北故春秋傳曰命伯禽而封少昊之墟又尚書

傳曰魯侯伯禽宅曲阜

顓頊都高陽

高陽在周爲衛地故春秋傳曰衛顓頊之墟也或謂之帝

丘今濮陽縣

帝嚳都亳一曰都高辛

今偃師也

堯始封於唐後徙

晉陽即帝位都平陽

唐今定州唐昌縣晉陽今太原府晉陽縣平陽今晉州

舜都

蒲坂

今蒲州河東縣

禹本封於夏爲夏伯及舜禪位都平陽或

在安邑

安邑蒲州縣名一曰夏禹在陽城蓋避舜子商均非都也按尚書五子之歌曰惟彼陶唐有此

冀方言堯舜至禹及太康皆在冀州界少康中興復還舊都故春秋傳曰復禹之迹不失舊物湯都亳

殷都有三亳穀熟爲南亳蒙爲北亳偃師爲西亳湯都即南亳也或云西亳至仲丁遷囂曰

教今河南之教倉也河亶甲居相相今祖乙居耿耿河東皮及盤

庚五遷復南都亳之殷地則西亳也周文王都鄴武王都鎬

鄴鎬並今京兆之界周公相成王以鄴鎬偏處西方方貢不均乃

營洛邑今東都也成王即洛邑建明堂朝諸侯復還鄴鎬至

幽王爲犬戎所殺平王東遷乃居洛邑及敬王時又遷

成周今洛陽故秦非子始封於秦秦在隴西自非子之後莊公徙楚丘文公

徙汧寧公徙平陽平陽今岐州郿縣界非堯之平陽都也至德公又居雍獻公徙櫟陽孝公徙咸陽後都

咸陽漢都長安東觀漢記光武中興都洛陽又於南陽

置南都三國時魏畧魏以長安譙許昌鄴洛陽爲五都

吳志吳都鄂後遷建業蜀志蜀都成都晉書晉都洛陽

至永嘉南居建康建康今潤州江寧縣宋齊梁陳並同居建康梁元帝及後梁蕭詧又別居

江陵晉亂十有六國各建都邑前涼張軌都燉煌後涼呂光都姑臧南涼禿髮烏孤都洛陽西涼李暠都酒泉

北涼沮渠蒙遜都張掖前燕慕容廆都和龍後徙薊又徙鄴後燕慕容垂都中山南燕慕容德都廣固北燕馮

跋都和龍前秦苻堅後秦姚萇並都長安西秦乞伏國仁都定樂前趙劉聰都平陽後趙石勒都襄國石季龍

都鄴後蜀李特都成都夏赫連勃勃都統萬城晉永嘉
南遷後魏據有中原初都代徙洛陽文帝遷長安孝靜
帝遷鄴號東魏西魏東魏禪北齊高洋以鄴爲上都
晉陽爲下都西魏禪周周禪隋並都長安隋高祖營大
興城徙居之更名長安即今西京城也隋煬帝遷
洛陽於故周之王城南對伊闕即今東都地也 增

事詞類奇唐都長安號西京以河南府爲東都 按王海
肅宗寶

應元年詔以京北爲上都河南爲東都鳳翔爲西都江
陵爲南都太原爲北都唐末僭國梁朱晃都大梁蜀王

建都成都燕劉守光都幽州南漢劉巖都廣州後唐李
存勗都鄴後遷洛陽蜀孟知祥都成都晉石敬瑭都洛

陽又遷汴州南唐李昇都金陵漢劉知遠都晉陽宋都汴

陽後徙大梁周郭威都大梁北漢劉崇都晉陽按王海
宋以開封爲東京河南爲西京應天爲南京大
名爲北京是曰四京是時僭國夏趙元昊都夏州齊劉

豫都大名復徙都東平

至高宗南渡都建業又徙都吳會

即今杭州

遼史遼都臨潢號曰皇都更名上京

以遼陽爲東京大定爲中京析津爲

南京大同爲西京

金史金都會寧

即今舊土海古之地

海陵遷於燕襲

遼制建五京

以遼陽爲東京大定爲北京大同爲西京大興爲南京又號大興爲中都尋改聖都

貞元元年又以汴州爲南京宣宗南遷都焉

元史元太祖初都和林世祖

改燕京爲中都置城而遷居焉

元末僭國宋韓林兒初都亳州後徙汴梁漢陳

友諒都江州夏明玉珍都成都吳張士誠都平江

史概明太祖取集慶路而

都之改曰應天府成祖徙都北平改曰順天號北京應

天曰南京

今言云洪武元年詔以應天爲南京大梁爲北京吾學編洪武二年又以臨濠爲中都

盛京志我

大清

太祖高皇帝龍飛興京天命六年取遼陽於城東築城號
東京尋遷瀋陽因舊城增拓其制更名曰盛京至
世祖章皇帝定都燕京式廓丕基垂統萬禩焉

京邑總敘二

增拾遺記春皇者庖犧之別號所都之國有華胥之洲

一統志柳城

在河南開封府西華縣

一名媯城世傳爲女媯氏

之都

通鑑外紀黃帝邑於涿鹿之阿遷徙無常以兵

師爲營衛

拾遺記虞舜在位十年有五老遊於國都

舜以師道尊之

原尸子舜一徙成邑二徙成都三徙

成國

增一統志夏城即禹所都內有青臺高百尺

書盤庚上不常厥邑於今五邦

周書武王克商顧河

洛而歎曰此天室也

博物志周在中樞三河之分風

雨所起四險之國

揚子昔在姬公用於周而四海皇

皇莫枕於京 拾遺記成王即政四年旃塗國獻鳳雛

載以瑤華之車飾以五色之玉駕以赤象至於京師

說苑延陵季子遊於晉入其境曰嘻暴哉國乎入其都
曰嘻力屈哉從者曰夫子之入晉境未久也何以名之
不疑也延陵季子曰然吾入其境田畝荒穢而不休雜
增崇高吾是以知其暴也吾入其都新室惡而故室美
新牆低而故牆高吾是以知其民力之屈也 左傳邾
文公卜遷於繹史曰利於民而不利於君邾子曰苟利

於民孤之利也天生民而樹之君以利民也民既利矣
孤必與焉 會稽記秦望山南有焦峴峴裏有大城越
王無餘之舊都也 地理志秦并天下改立郡縣而京
師所統特號內史言其在內以別於諸郡守也 後漢
書董卓謂陳紀曰三輔平敞四面險固土地肥美號爲
陸海今欲西遷何如紀曰天下有道守在四夷宜修德
政以懷不附若欲徙萬乘以自安將有纍卵之危崢嶸
之險也 吳錄劉備曾使諸葛亮至京因觀秣陵山阜

歎曰鍾山龍蟠石頭虎踞帝王之都也 晉書周馥傳

馥建策迎天子遷都壽春上書曰淮陽之地北阻塗山
南抗靈岳名山四帶有重險之固宜相土遷宅以光永
祚 又王導傳溫嶠議遷都豫章三吳之豪請都會稽
導曰古之帝王不以豐儉移都苟弘衛文大帛之冠則
無往不可若不續其麻則樂土爲墟矣今特宜鎮之以
靜羣情自安 世說新語補謝公時兵廝捕亡多近竄
南塘下諸舫中或欲求一時搜索謝公不許云若不容

置此輩何以爲京師

後趙錄張賓說石勒曰邯鄲襄

國趙之舊都依山憑險可擇此二邑而都之然後命將

四出授以奇略王業可圖也

後魏書文帝卜遷都鄴

登銅雀臺御史大夫崔吉等請都之孝文曰鄴城非長

久之地石虎傾於前慕容滅於後國富主奢暴成速敗

且西有枉人山東有列人縣縣北有柏人城君子不飲

盜泉惡其名也遂止都洛陽

經濟類編梁元帝下詔

將還建康將軍胡僧祐諫曰建康王氣已盡古老相傳

云荊州洲數滿百當出天子今枝江生洲百數已滿陛下龍飛是其應也帝曰建康凋殘江陵全盛卒從僧祐議隋書文帝夜與高潁蘇威定議遷都庾季才旦而奏曰仰觀玄象俯察圖記龜兆允襲必有遷都且漢營此都將八百歲水皆鹹鹵不甚宜人願協天人之心爲遷徙之計帝愕然謂潁等曰是何神也自今以後信有天道矣舊唐書貞觀四年詔發卒徙洛陽宮張元素上書曰昔漢高將都洛陽婁敬一言即日西駕豈不知

地惟土中貢賦所均但以形勢不如關中也太宗顧謂房玄齡曰洛陽土中朕意在於便百姓今元素上表宜即停之經濟類編唐德宗至梁州糧用頗窘欲西幸成都衆議未決會李晟表至言陛下駐蹕漢中所以係億兆之心若規小舍大遷都岷峨則士庶失望雖有猛將謀臣無所施矣德宗乃止五代史唐莊宗遣李嚴聘蜀王衍與俱朝上清而蜀都士庶簾帷珠翠夾道不絕天中紀晉天福三年詔曰汴州水陸要衝山川形

勢乃萬庾千箱之地是四通八達之郊 宋史上幸西
京愛其地形勢得天下中有留都意李懷忠乘間進曰
東京有汴渠之漕歲致江淮米數百萬斛帑藏重兵皆
在焉一旦遽欲遷徙臣實未見其利上嘉納之 通鑑

宋紀高宗建炎元年詔暫駐淮甸捍禦稍定即還京闕
宗澤曰京師天下心腹不可棄也 遼史太祖取天梯

蒙國別魯三山之勢於葦淀射金甌箭以識之名龍省

宮神冊三年築都城於其地

臨潢府是也

又曰聖宗嘗過

七金山土河之濱南望雲氣有郭郭城闕狀因議建都
擇良工於燕薊董役二歲郭郭宮掖樓閣府庫市肆廊
廡擬神都之制 金史許安仁傳上將幸景明宮安仁

與同列諫曰燕都地處雄要北倚山險南壓區夏若坐
堂皇俯視庭宇本地所生人馬勇健蓋京都之首選也
元史世祖在潛邸從容語巴圖魯曰今天下稍定我
欲勸主上駐蹕回鶻以休兵息民何如對曰幽燕之地
龍蟠虎踞形勢雄偉南控江淮北連朔漠且天子必居

中以受四方朝覲大王欲經營天下駐蹕之所非燕不可世祖憮然曰非卿言我幾失之草木子元世祖定

大興爲大都開平爲上都每年四月草青則駕幸上都避暑頒賜於宗戚馬亦就水草八月草將枯則駕回大都惟每歲往來於兩都他無巡狩之事從信錄定遠

人馮國用對太祖曰金陵龍蟠虎踞真帝王之都願先拔金陵而定鼎然後命將四出埽除羣寇倡仁義以收人心天下不難定也吾學編明興開基江左去塞萬

里近亦數千里雖嘗圖宅咸陽詔遷汴邑然時有未遑

議遂中輟

又曰京師

謂燕京

負重山面平陸地饒魚鹽

穀馬果窳之利又轉漕東南財貨駢集天險地利汴洛關中江左皆不及也 八編類纂北直隸古冀州地京

師即金元舊都也辰山帶海有金湯之固

京邑三

原作豐

營洛

毛詩文王受命有此武功既伐于崇作邑于豐 下詳東京

三毫

二周

皇甫謐帝王世紀殷有三毫二毫在梁國一毫在河南也穀熟爲南亳即湯都也蒙爲北亳即

景亳湯所盟地偃師爲西亳則盤庚所徙也
史記赧王時東西周分境赧王徙都西周

千里

四縣

白虎通京師者何謂也千里之邑號也法日
月之徑千里周禮四縣爲都以任地事

居

邠

徙雍

岐山三輔故事周后稷居邠公劉遷邠宣父遷
岐山之陽三輔黃圖秦德公自汧徙雍

法日

象漢

上詳千里注
下詳西京

再徙

五遷

徙成邑春秋一

成都三徙成國

尚書

武營

漢作

帝王世紀武王
伐紂營洛邑而

盤庚五遷將治亳殷

定鼎焉今洛陽西南洛水北有鼎
中觀是也漢之西遷作我上都

定鼎

建瓴

武營

下詳

伊洛

崤函

上見傳毅洛都賦
曰夫關中左崤函右隴蜀

張良

正

國域民

周禮制其畿封以正邦國
漢書是以聖王域民

制畿

正封

禮周

制其畿疆又曰正畿疆之封

天邑

皇州

帝里

王畿

甸服

皇都

王城

帝畿

王室

帝宅

增神畿

天

闕天中記孝文自代還洛詔司州主簿裴仲規曰朕開

置神畿郡望優重卿既首膺司隸美舉復督我名邦

何能自致也仲規曰陛下窮神盡聖應天順民棄彼黑

壤來宅紫縣臣方罄心力躍馬吳會豈一郡而已宋

邵伯溫見聞錄隋文帝登邱

浩穰

佳麗

天中記周顯德三年

山對闕塞而歎曰真天闕也

詔曰輦轂之下謂之浩穰萬國駿奔四方繁

天莊

會魏曹植詩壯哉帝王居住麗殊百城

帝宅

韋損曰東都帝宅侍中何不守之

唐書判官

重險

大

湊

上見前晉書周馥傳周書作洛解曰周公將致
政南繫於洛水北因於邾山以爲天下之大湊

宮雉

京輦

謝朓詩引領見京室宮雉正相望
潘岳詩自我違京輦四載迄於斯

車

鬪

騎擁

上見高啓望都邑詩
見隋李巨仁煌煌京洛行

斗城

葦域

事類

合璧漢高祖修長安宮城惠帝增之南爲南斗形北爲
北斗形至今人呼漢京城爲斗城

鄉也即神州

五都

二宅

唐志肅宗寶應元年詔曰
五都之號其來已久宜以

方州帝都也

京兆爲上都河南爲東都鳳翔爲西都江陵爲南都太

原爲北都

兩京記高宗嘗謂韋機曰兩京朕東西二

宅往來不恒卿

九衢

四市

明歐大任燕京篇九衢
走馬如流水玉海漢

宜善思修建

長安

皇邑

帝基

謝靈運詩祇役出皇邑
崔僧淵復族兄惠景書曰主上安
天中記

四市

遷靈荒兆變帝基維新中壤宅

鳳翔

龍躍

又云唐
明皇并

臨伊域河洛之間重隆周道

州置北都詔曰我國家龍躍晉水鳳翔太原猶成湯之
居亳有周之興岐今王業正興宮觀猶在列於編郡情
所未安其并闕廷輦轂元史世祖至元元年中書
省言開平府闕廷所在加

州宜置北都

闕廷

輦轂

元史世祖至元元年中書

號上都

前漢王鳳疏臣當糜骨輦轂

天室

日畿

下曹植賁躬詩表至止之日馳心輦轂

天室

日畿

周書度邑解武王曰瞻于伊洛無遠天室其曰茲度
邑彙苑詳注帝畿千里象日月徑面故曰日畿也

聖都

神縣

金史海陵貞元元年定都以燕乃列國之
名不當爲京師號遂改爲聖都江淹雜

體詩太微凝帝
宇瑤光正神縣

原統四方

兼六合

五經要義王者
受命創始建國

立都必居中土所以總天地之和據陰陽之正
均統四方旁制萬國者也下見左思蜀都賦

交風

雨

總天地

上見張衡東京賦
下見統四方注

挾成臯

據函谷

見上

傅毅樂都賦
見班固西京賦

下
增建首善

居上游

史記教化之行也建首善

自京師始
漢書項羽陽尊懷王爲義帝
曰古之王者必居上游徙之長沙都柳

和美鄉

文雅地

有王嬰古今通論崑崙東南五千里謂之神州中

所生也

隋盧思道詩揚鑣歷汴浦迴
扈入梁墟漢藩文雅地清塵暖有餘

繁華土錦

繡城

一統志宋葛澧帝都賦據江南之都會號繁華之
樂土明孫賁南京行爛漫三春錦繡城空濛一

片笙

因民心

明天意

上見前總敘一引續漢書
三國志孫皓謀徙武昌陸凱

歌市
上疏曰武昌土地實危險而墉塙非王都安國養民之
處且童謡云寧飲建業水不食武昌魚寧還建業死不

就武昌居是明天意知
民所苦矣皓還都建業

襟四塞

控五原

唐李白餞
王贊序天

下大小三京北都居一襟四塞之要衝控五原之都邑

順天和

圖王業

前上見

周法訓下見前後趙錄

方千里

積百同

孟子天子之地方千里周禮注凡王畿

內積百同

爲民極

壯帝居

上見後隋煬帝詔後主詩山河壯帝居

陳

盤

龍虎

遊鳳皇

李白金陵懷古詩地即帝王宅山爲龍虎盤又登鳳皇臺詩鳳皇臺上鳳皇

遊

王氣存

天文照

天中記張紘言於孫權曰昔望氣者云金陵地形有王者都邑

之氣故堀斷連岡改名稱陵今處所俱存地有其氣天之所命宜爲都邑

杜詩地利西通蜀天文北照秦

建丹陵

宅紫縣

天中記唐明皇并州置北京詔曰堯理唐郊式建丹陵之縣漢居洛

邑更表南陽之都

下見前神畿注

起風雨

會日月

上見總敘二引博物志周邦

彥賦汴都日月
所會天地之中

原四方之極 八紘之中

毛詩商邑翼翼四方

之極 毛萇注商邑京師也 下見左思魏都賦

體國經野

建邦設都

周禮體國

經野 注經謂爲之里數也 下見尚書

申畫郊畿

封樹險固

書申畫規畫也

注樹 周禮制其畿方千里而封樹之 木溝上所以表助險固也

商邑翼翼

周原

膴膴 俱見毛詩

宅中圖大

無外稱尊

邦畿千里

城

闕九重

神州之畧

赤縣之畿

增建邦啓土

置

都立邑

武成曰先王建邦啓土祭法天下有置都立邑

水木滋茂

川原秀

麗何爲 兩京記隋煬帝登邱山觀伊闕歎曰此龍門耶自古

於此僕射蘇威對曰自古非不知以俟

陛下帝大悅曰其地北據山麓南望天闕水木滋茂川
原形勝自古都邑莫有此也隋文帝入新都詔曰龍

首山川原秀麗卉木滋阜卜食相土宜建都邑紅塵紫陌金堤玉渠上見後江

總詩下見後金遼五京唐宋四輔上見前京邑周邦彥汴都賦

要開元中定天下州府以近畿之州爲四輔同華岐蒲是也宋崇寧四年七月以澶鄭許三州升襄邑爲拱州

是爲宋百官之府萬世之都隋紀京師百官之府四輔明成祖

實錄永樂十四年羣臣建議北京疏伏惟北京聖上龍興之地沃野千里山川形勝誠帝王萬世之都

强本弱枝搯吭拊背舊唐書高季輔傳畿內數州實爲邦本地狹人稠儲蓄未多特

宜優矜令得休息强本弱枝自古常事婁敬傳高祖在洛陽敬說曰陛下都洛陽豈欲與周室比隆哉夫與

人鬪不搯其吭拊其背未能全勝也今陛下入關
西都案秦之故地此亦扼天下之吭而拊其背也 衣

冠所聚 舟車所會 唐書京師衣冠所聚聲教所出

所會乃建東 乃涉南岡 大相東土 詩乃涉南岡乃

京師也 京於汴梁 野董氏曰所謂京師者蓋起於此其後世因以所都為

一旦示弱 百世為笑 晉成帝紀溫嶠欲遷都豫章

冠伺我之隙一旦示弱非良計也 唐高祖本紀或說

上曰突厥累寇關中以子女玉帛在長安故也若焚長

安不都則冠自息上以為然秦王世民曰陛下聖武龍

興光宅中夏精兵百萬所征無敵奈何遽遷貽四海之

羞為百世笑 置熱眎景 量地制域 考工記匠人建

乎上善其言 國水地置熱眎

景下見京邑總敘一

蓄威昭德

居重馭輕

陸宣公關中事宜狀今之關中

即古者邦畿千里之地也王業根本於是在焉弱則內保一方當天下之半可以養力俟時也強則外制諸侯

據域中之大可以蓄威昭德也下見京邑總敘一

岡阜繚繞

山林幽映

統一

志李清臣汴都記岡阜繚繞龍蟠虎伏

三條九陌

左思魏都賦山林幽隱川澤回繚

萬庾千箱

上見後駱賓王帝京篇下見總敘二天中記

四方輻輳

天下

衝阨

經濟類編齊高帝以建康居民并雜欲立符伍以相檢括右僕射王儉諫曰京師之地四方輻輳必

也持符於事既煩理成不曠謝安所謂不爾何以爲京師也乃止史記三王世家雒陽有武庫敖倉天下衝

阨漢國之大都也

祥雲輝映

王氣氤氲

杜牧長安雜詩洪河清渭天池濬太

白終南地軸橫祥雲輝映漢宮紫春光繡畫秦川明
顧璘南巡舊京歌紫蓋黃旗擁六軍金陵王氣日氤

盪
綠水珠樓
金堤翠幃
又曰綠水珠樓佳麗城

朱城臨王道遙
勢大威遠
根深蒂固
通典臨制萬

秦川是天下之上腴關中爲海內之雄地若居之則勢
大而威遠舍之則勢小而威近又曰唐明皇開元元

年置中都韓覃曰陋東都而幸西都自西都而造中都
取樂一君之欲以遺萬人之患非所爲深根固蒂不拔

之長
王者居中
蒼生大慶
上見京邑總敘一魏

策矣
示南伐意在謀遷謂任城王澄曰國家興自北土徙居

平城用武之國非可文治峻函帝宅河洛王里因茲大
舉光宅中原任城以爲何如澄曰陛下制
御華夏輯平九服蒼生聞此應當大慶

萬國朝宗

羣方表儀

舊唐書裴耀卿曰國家帝業本在京師萬國朝宗百代不易之所下見宋王安石

首善自

翼翼京室

眈眈帝宇

左思賦

同幽土之始

京師賦

基應春陵之王氣

宋升宋州爲南京詔

西賓屈無外之談

東土壯居中之業

唐李嶠表

侔江海之重潤乃據上游

法日月之徑圓用張天紀

漢相論都首識金城之廣

呂公相宅前知墨食之祥

宋宋祁王畿千里賦

原天府

神

臯

漢書劉敬說上都關中上疑之左右大臣皆勸上都洛張良曰洛中小不過數百里地薄四面受敵此非

用武之國夫關中左崤函右隴蜀沃野千里南有巴蜀之饒北有胡宛之利阻三面而守獨以一面東制諸侯

此所謂金城千里天府之國也實惟地之神皋

四塞

三成

秦地被山帶河四塞之國

班固西都賦三成

貫渭

帶涇

三輔黃圖秦王兼天下都咸陽渭水

帝畿注周秦漢也

貫都以象天漢橫橋南渡以下見班固西都賦

在鎬

近蜀

王在在鎬郊野之

法牽牛

下見班固西都賦

富號爲

鑒秦法

跨周制

左右險阻

表裏山河

近蜀

左據函谷峻陵之阻

天府名都

坤靈正位

帝王

右帶褒斜隴首之險

之宅

形勝之國

蜀都賦峻函有帝王之宅

漢書秦中形勝之國地勢便利以加兵於諸

侯譬猶高屋之上建瓴水也

鄭白之沃

陸海之饒

百二之都

千里之國

增急管朱絃

豐貂長組

唐太宗帝京篇急管韻朱

絃清歌凝白雪杜牧長安雜詩豐

原秦之興也天

錫鵠首之分漢之王也星符東井之精中土東

國周禮惟王建國經營作洛邑於中土尚書新邑于東國洛金谷銅街述征

谷谷也地有金水自太白源南流經此谷注穀水洛陽記兩銅駝在宮之南街東西相向高九尺洛陽謂之

銅駝衡臯梓澤曹植洛神賦稅駕乎衡臯永初

里增周法修漢制增夾清洛繞丹泉韋應物

雄都定鼎地勢據萬國尊帝宅夾清洛原定鼎之都

建圭之地成王定鼎於郊廓大司徒以土背河

向洛

東澗西澗

漢書漢高時勸都洛陽曰東有成皋西有崤澠背河向洛此其固亦足恃

也

尚書成王在豐欲宅洛邑使召公先相宅既得卜

則經營召公既相宅周公往營成周使來告卜曰澗水

東澗水西惟洛

天地之中

水陸所湊

先王之經邑也度天地之

食注食兆也

所合四時之所交風雨之所會陰陽之所和然則百物阜安乃建王國焉所謂建土圭以測景得天地之中

舊唐李勉傳汴州水陸所湊

邑居龐雜號爲難理

帶河沂洛

左伊右澗處

中土帶河沂洛

河洛大都

成周故地

建都河洛即

下見東京賦

洛遷

東周延祚

後漢中興

平王東遷而延祚

王

者之里

諸侯蕃屏

左思蜀都賦河洛爲王者之里漢書昔者周公營洛邑以爲在於

中土諸侯蕃屏
四方故立京師

召公所相 周公所營 增土取中

於諸夏

日尤近於長安

宋趙鼎請車駕幸洛表

成周舊宅不

改山川

有宋別都具嚴堽鑰

原卜而作邑聞宗周

之經營

居以爲都見炎漢之遺制

增重城

雙闕

吳國倫帝京篇重城開御氣雙闕倚明霞

瓊島

玉泉

黃文中大都賦因內海以爲池即瓊

島而爲園

輟耕錄至元四年城京師以爲天下本峙萬歲山浚太液池派玉泉通金水紫畿帶甸負山引河

壯哉帝居宅此天府

背重關

面廣澤

李時勉北京賦背壘險今重關面平原今廣澤

九河南界

三案前圍

大學衍義補太行自西來演迤而北東極於醫無閭重岡

壘阜擁護而圍繞之其東則汪洋大海稍北乃古碣石
稍南則九河故道浴日月而浸乾坤所以界之者又如
此直截而廣大也況居直北之地地上應天垣之紫微自
古建都之地得上得天時下得地勢中得人心未有過此
者也朱子語類冀州山脈從雲中來爲前案淮南諸山爲第二重案江南五嶺諸山爲第三重案

繩直砥平

星羅碁列

博物策會范鎮之賦幽州也繩直砥平形勢爽塏金幼孜皇

都賦星羅碁列壁燦珠聯

驚舉蛟騰

龍翔鳳舞

余光北京賦有翠峰紫蓋白浮

黃花之山蜿蜒蛟曲驚舉蛟騰

又曰

山雄西北

水繞東南

順天志開塞諸山雄峙於西

風氣敦厚

形勢雄壯

鳳洲筆記北京風氣敦厚長安之下此其最胡起先賦觀其都城則氣象宏廣即夫

山川則形勢雄壯

道里均平

山川鞏固

梁本之賀表

廓基圖

於萬世

偉壯觀於九重

楊榮賦

瞻恒嶽而控西山

躋居庸而挾灤薊

梁本之表

控河朔上流之上

居今日

中原之中

元徐世隆文

軒轅邑之以分州

唐堯階之以

爲帝

李時勉賦

玉帛梯航爲都邑之會

陰陽風雨當天

地之中

俱楊榮賦

北襟山勢直龍虎之區

東帶海濤盡

魚鹽之利

萃王氣

創神畿

盛京志曰盛京源鍾長白秀結巫閭滄海南迴

混同東注王氣所萃在乎山川不信然哉

雁塞白榆

龍灣青草

元袁桷上京詩白榆
迷雁塞青草補龍灣

前俯滄溟

後控

沙漠

廣輿記

臨潢以金箭兆基

長白以慶雲啓瑞

京邑四

增從極之都

山海經從極之都三
百仞惟水夷都焉

天子常居

穀梁傳
冀者天

下之中州自唐虞及夏殷
皆都焉是天子之常居

三河若鼎足

史記貨殖傳
昔唐人都河

東殷人都河內周人都河南夫三河在天下之
中若鼎足王者所更居也建國各數百十歲

居九

鼎太史公曰學者多稱周伐紂居洛邑其實不然武王
營之成王使召公卜之居九鼎焉而復都豐鎬至平

王乃
遷洛

東遷失計

宋蘇軾東遷論周之失計未有如東
遷之謬也自平王以至於亡非有大

亡道者也。頃王之神聖，諸侯服享，然終以不振，則東遷之過也。

收功西北

史記六國表夫作事

者必於東南，收功實者常於西北。故禹興於西羌，湯起於亳，周之王也，以豐鎬伐殷，秦之帝用雍州，漢之興自

蜀。立五均食貨志莽於長安及洛陽邯鄲臨淄宛成五都立五均官此中可避

世三國志注英雄記有童謠云燕南陞趙北際中央不合大如礪惟有此中可避世公孫瓚以易京地當之

乃築城以自固天啓神安後漢書董卓議遷都長安黃琬曰昔周公營洛邑以寧姬光武卜東

都以隆漢天之所啓神之所安大業言非所急經濟類編

既定，豈宜妄有遷動，以虧四海之望？關東兵盛，董卓數議徙都，長安朱儁輒止之，卓雖惡儁異，已然貪其名重，乃表遷太僕以爲己副，使者召拜儁

辭曰：「國家西遷，必孤天下之望，以成山東之釁，臣不見其可。」使者詰曰：「召君受拜，而君拒之，不問徙事，而君陳

之何也。偽曰：「副相國非臣所堪也。」遷都非事所急也。辭所不堪，言非所急，臣之宜也。

蒲子崎嶇

網鑑晉懷帝永嘉三年，漢太史令鮮于修之以星變言於其主。淵曰：「蒲子崎嶇難，以久安平陽氣象方昌，請徙

都之淵

險固饒沃

通鑑晉安帝義熙三年夏，王勃勃破薛于等部，降之。諸將皆曰：「陛下

從之

欲經營關中，先固根本，使人心有所憑繫。高平險固，饒沃，可以定都。

宇文巧思

陳宣帝紀：隋主

嫌長安制度狹小，詔創造新都於龍首山，以宇文愷有巧思，領營新都副監。

神明之奧

唐舊

書郭子儀傳：雍州古稱天府，神明之奧，王者之都。

備巡幸

通鑑唐敬宗寶曆四年上，欲幸東都。

諫者甚衆，皆不聽。裴度曰：「國家本設兩都，以備巡幸。宜命有司完葺，然後可往。」上曰：「如卿所言，不往亦可，遂罷。」

修東

建都伐謀

宋史慶曆中，契丹聚兵聲言南下，呂夷簡請建都大名，示將親征以伐敵。

謀遂建大名爲北京

四戰之地

通鑑宋仁宗景祐三年論建都范仲淹曰洛陽險固而汴爲四

戰之地太平宜居汴即有事必

氣象雄偉

玉海宋張

居洛陽當漸廣儲蓄繕宮室

上京天險

遼史上京太祖創業

自六朝爲帝王都江

流險闊氣象雄偉

之地負山抱海天險

金

足以爲固

百日訖事

又云神冊三年始建都康默記

金

主授圖

金圖經至元四年金主亮欲都燕遣畫工寫京師宮室制度闊狹修短以授左相張浩輩按圖

修勝勢在長江

又

之洪武二十四年勅太子巡撫陝西上意欲都陝遣太子相宅也

升崇北平

成祖實錄

禮部尚書李至剛等言自古帝王或起布衣平定天下或由外藩入承大統其於肇跡之地皆有升崇竊見北

平布政司實皇上興王之地宜遵高
皇帝中都之制立爲京師制曰可

京邑五

原詩魏曹植名都篇曰名都多妖女京洛出少年寶劍
直千金被服麗且鮮鬪雞東郊道走馬長楸間馳騁未
能半雙兔過我前攬弓捷鳴鏑長驅上南山左挽因右
發一縱兩禽連餘巧未及展仰手接飛鳶觀者咸稱善
衆工歸我妍歸來宴平樂美酒斗十千膾鯉胎鰕炮
鼈炙熊蹯鳴嘯匹侶列坐竟長筵連翩擊鞠壤巧捷

惟萬端白日西南馳光景不可攀雲散還城邑清晨復
來還 宋鮑照代陳思王京洛篇曰鳳樓十二重四戶

八綺窗繡楠金蓮花桂柱玉盤龍珠簾無隔露羅幌不
勝風寶帳三千所爲爾一朝容揚芬紫煙上垂綵綠雲
中春吹回白日霜歌落塞鴻但懼秋塵起盛愛逐衰蓬
坐視青苔滿卧對錦筵空琴瑟縱橫散舞衣不復縫古
來共歇薄君意豈獨濃唯見雙黃鵠千里一相從 增
齊謝朓還望京邑詩曰灞溪望長安河陽視京縣白日

麗飛甍參差皆可見餘霞散成綺澄江靜如練喧鳥覆
春洲雜英滿芳甸去矣方滯淫懷哉罷歡宴 原梁簡

文帝長安道詩曰神臯開隴右陸海實西秦金槌一作推輪

抵長樂複道向宜春落花依度幰垂柳拂行輪一作人金

張及許史夜夜尚留賓 又京洛篇曰南遊偃師縣斜

上霸陵東回瞻龍首堞遙望德陽宮重門遠照耀天閣

復穹窿城旁疑複道樹裏識松風黃河一作沙入洛水丹

泉繞射熊夜輪懸素魄朝光蕩碧空秋霜曉驅雁春雨

暮成虹曲陽造甲第

曲陽後漢外戚王根也

高安還禁中劉蒼歸

作相竇憲出臨戎此時車馬合茲宸冠蓋通誰知兩京

盛歡宴遂無窮

又洛陽道詩曰洛陽佳麗所大道滿

春光遊童初挾彈蠶女始提筐金鞍照龍馬羅袂拂春

桑玉車爭晚入潘果溢高箱

元帝長安道詩曰西接

長楸道南望小平津飛甍臨綺翼輕軒影畫輪雕鞍承

赭汗槐路起紅塵燕姬雜趙女淹留重上春

又洛陽

道詩曰洛陽開大道城北達城西青槐隨幔拂綠柳逐

風低玉珂鳴戰馬金爪鬪場雞桑姜日行暮多逢秦氏
妻 增沈約詩曰登高眺京洛街巷紛漠漠迴首望長
安城闕鬱盤桓日出照鈿黛風過動羅紈齊童躡朱履
趙女揚翠翰春風搖雜樹歲蕤綠且丹寶瑟玫瑰柱金
羈玳瑁鞍淹留宿下蔡置酒過上蘭解睂還復斂方知
巧笑難佳期空靡靡含睇未成歡嘉客不可見因君寄
長歎 原庾肩吾賦得橫吹曲長安道詩曰桂宮連複
道黃山開廣路遠聽平林鐘遙識新豐樹合殿生光彩

離宮起煙霧日落歌吹還一作塵飛車馬度又洛陽

道詩曰微道臨河曲層城傍洛川金門纔出柳桐井半

含泉日起呆愚外車迴雙闕前潘生時未返遙心徒眷

然車轂洛陽道詩曰洛陽道八達洛陽城九重重關

如隱起雙闕似芙蓉王孫重行樂公子好遊從別有傾

人處佳麗夜相逢增周王褒詩曰京洛出名謳豪俠

競交遊河南期四姓關西謁五侯鬪雞橫大道走馬出

長楸桑陰徙將夕槐路轉淹留原陳後主長安道詩

曰建章通未央長樂屬明光大道侈甲第甲第玉爲堂
遊蕩新豐裏戲馬渭橋傍當壚晚留客夜夜苦紅妝

又洛陽道詩曰日光朝杲杲照耀東京道霧帶城樓開
啼侵曙色早佳麗嬌南陌香氣含風好自憐釵上纓不
歎河邊草 又曰建都開洛汭中地乃城陽縱橫肆八

達左右闢康莊銅溝飛柳絮金谷落花光忘情伊水側
稅駕河橋傍 又曰百尺瞰金埒九衢通玉堂柳花塵
裏暗槐色露中光遊俠幽并客當壚京兆妝向夕風煙

晚金羈滿洛陽

又白青槐夾馳道御水映銅溝遠望

凌霄閣遙看井幹樓黃金彈俠少朱輪盛徹侯桃花雜

渡馬紛披聚陌頭

孔奐名都一何綺詩曰京洛信名

都佳麗擬蓬壺九華彫玳瑁百福上椒塗黃金絡驪褭
蓮花裝鹿盧咸言衣服盛無勝執金吾 沈炯詩曰名

都一何綺春日吐光輝高樓雲母扇複殿琉璃扉昭儀

同輦出高安連騎歸欲知天子貴千門應紫微 周弘

正詩曰名都宮觀綺金壁藻華璫吹臺望鵲舞殿接

披香繡轂遊丹水彫輦出平陽陸離徒照眼何解憂人
腸 徐陵長安道詩曰輦道乘雙闕豪雄被五都橫橋
象天漢法駕應坤圖韓康賣良藥董偃鬻明珠喧喧擁
車騎非但執金吾 又洛陽道詩曰綠柳三春暗紅塵
百戲多東門向金馬南陌接銅駝華軒翼葆吹飛蓋響
鳴珂潘郎車欲滿無奈擲花何 又曰洛陽馳道上春
日起塵埃濯龍望如霧河橋渡似雷聞珂知馬蹠傍憶
見覺開相看不得語密意眼中來 增張正見帝王所

居篇曰峻函惟帝宅宛洛壯皇居紫微臨複道丹水亘
通渠沈沈飛雨殿藹藹承明廬兩宮分概日雙闕並凌
虛休氣充青瑣榮光入綺疏霞明仁壽鏡日照凌雲書
鳴鸞背鳩鵲詔蹕幸儲胥長楊飛玉輦御宿徙金輿柳
葉飄緹騎槐花影屬車薄暮歸平樂歌鐘滿玉除 原
又洛陽道詩曰曾城啓旦扉上路滿春輝柳影緣溝合
槐花夾岸飛蘇合彈珠罷黃間負翳歸紅塵暮不息相
看連騎稀 江總長安道詩曰翠蓋承輕霧金羈照落

暉五侯新拜罷七貴早朝歸
轟轟紫陌上 藹藹紅塵飛

日暮延平客風花拂舞衣
又洛陽道詩曰德陽穿洛

水伊闕邇河橋仙舟李膺棹小馬王戎鑣杏堂歌吹合
槐路風塵饒綠珠含淚舞孫秀強相邀 又曰小平路

一作臨 四達長楸聽五鐘玉節迎司隸錦車歸濯龍絃歌

聲不息環珮響相從花障蕩舟笑日映下山逢 顧野

王長安道詩曰鳳樓臨廣路仙掌入煙霞章臺京兆馬

逸陌富平車東門疏廣餞北闕董賢家渭橋縱觀罷安

能訪狹斜 蔡君知長安道詩曰長安馳道上鐘鳴宮

寺開殘雪銷鳳闕宿霧斂章臺騎轉金吾度車鳴丞相

來藹藹東都晚羣公騶御回 岑之教洛陽道詩曰喧

喧洛水濱鬱鬱小平津路傍桃李節陌上採桑春聚車

看衛玠連手望安仁復有能留客莫愁嬌態新 陳瑄

長安道詩曰長安開繡陌三條向綺門張敞車單馬韓

嫣乘副軒寵深來借殿功多競置園將軍夜夜返絃歌

著曙喧 又洛陽道詩曰洛陽九達上羅綺四時春路

傍逢驄馬車中看玉人鎮西歌豔曲臨淄逢麗神欲知
雙壁價潘夏正連茵王瑳洛陽道詩曰洛陽夜漏盡
九重平旦開日照蒼龍闕煙繞鳳皇臺浮雲翻似蓋流
水倒成雷曹王鬪雞返潘仁載果來增蕭賁長安道
詩曰前登灞陵道還瞻渭水流城形類北斗橋勢似牽
牛飛軒駕良駟寶劒雜輕裘經過狹斜里日暮與淹留
原隋許善心奉和還京師詩曰重光闡帝圖肆覲荷
來蘇卜洛連新邑因秦還舊都雷警三辰衛星陳七萃

駢從風折鳳羽曜日拖魚鬚憲章殫禮樂容服備車徒
迴鑾入豐鎬從蹕度粉榆冉冉年和變遲遲節物徂餘
花照玉李細葉剪珪梧朝夕萬國湊海會百川輸微生
逢大造倏忽改榮枯 袁朗和洗掾登城南坂望京邑

詩曰二華連陌塞九隴統金方奧區稱富貴重險擅雄
強龍飛灞水上鳳集岐山陽神臯多瑞跡列代有興王
我后膺靈命爰求宅茲土宸居法太微建國資天府玄
風融黎庶德澤浸區宇醒醉各相扶謳歌從聖主南登

少陵岼還望帝城中帝城何鬱鬱佳氣迺蔥蔥金鳳凌
綺觀璇題敞蘭宮複道東西合交衢南北通萬國朝前
殿羣公議宣室鳴佩含早風華蟬曜朝日柏梁宴初罷
千鍾歡未畢端拱肅巖廊思賢聽琴瑟逶迤萬雉列隱
軫千間布飛甍夾御溝曲臺臨上路處處歌鐘鳴喧闐
車馬度日落長楸間含情兩相顧是月冬之季陰寒晝
不開驚風四面集飛雪千里迴狐白登廊廟牛衣出草
萊詎知韓長孺無復重然灰何妥長安道詩曰長安

狹斜路縱橫四達分車輪鳴鳳轄箭服耀魚文五陵多
任俠輕騎自連羣少年皆重氣誰識故將軍

鳳轄用霍光事

庾自直初發東都應詔詩曰二龍承玉軸萬騎翊林塘
縱觀此何事巡駕幸淮揚伊雒山川轉江河道路長照
日秋原淨分花曲水香稻粱叨歲月羽翮仰恩光後塵
歸舊里還如仙鶴翔增唐太宗帝京篇曰秦川雄帝
宅函谷壯皇居綺殿千尋起離宮百雉餘連薨遙接漢
飛觀迴凌虛雲日隱層闕風煙出綺疏

原虞世南賦

得吳都詩曰畫野通淮泗星躔應斗牛玉牒宏圖表黃
旗美氣浮三分開霸業萬里宅神州高臺臨茂苑飛閣
跨澄流江濤如素蓋海氣似珠樓吳趨自有樂還似鏡
中遊 褚亮賦得蜀都詩曰列宿光輿井分芒跨梁岷
沈屏對江浦駟馬入城闌英圖多霸跡歷選有名臣連
騎簪纓滿含章詞賦新得上仙槎路無待訪嚴遵 李
百藥賦得魏都詩曰炎運精華歇清都寶命開帝里三
方盛王庭萬國來玄武疏遙墜金鳳上層臺乍進僊童

藥時傾避暑杯南館招奇士西園引上才還惜劉公幹

疲病清漳隈鄭翼登北邙還望京洛詩曰步登北邙

坂踟躕聊屬望宛洛盛皇居規模窮大壯三河分設險

兩峭資巨防飛觀紫煙中層臺碧雲上青槐夾馳道迢

迢修且曠左右多第宅參差居將相清晨謁帝返車馬

相追訪胥徒各異流文物分殊狀囂塵暗天起簫管從

風颺伊余孤且直生平獨淪喪山幽有桂叢何爲坐惆

悵增駱賓王帝京篇曰山河千里國城闕九重門不

睹皇居壯安知天子尊皇居帝里崤函谷鶉野龍山侯
甸服五緯連影集星躔八水分流橫地軸秦塞重關一
百二漢家離宮三十六桂殿陰岑對玉樓椒房窈窕連
金屋三條九陌麗城隈萬戶千門平旦開複道橫通鳩
鵲觀交衢直指鳳皇臺劒履南宮入簪纓北闕來聲名
冠寰宇文物象昭回鈎陳宿蘭祀璧沼浮槐市銅羽應
風迴金莖乘露起校文天祿閣習戰昆明水朱邸抗平
臺黃扉通戚里平臺戚里帶崇墉炊金饌玉待鳴鐘小

堂綺帳三千戶大道青樓十二重寶蓋雕鞍金絡馬蘭
窗繡柱玉盤龍繡柱璇題粉壁映鏘金鳴玉王侯盛王
侯貴人多近臣朝遊北里暮南鄰陸賈分金將燕喜陳
遵投轄正留賓趙李經過密蕭朱交結親丹鳳朱城白
日暮青牛紺幘紅塵度俠客珠彈垂楊道娼婦銀鈎採
桑路娼家桃李自芳菲京華遊俠盛輕肥延年女弟雙
飛入羅敷使君千騎歸同心結縷帶連理織成衣春朝
桂尊尊百味秋夜蘭燈燈九微翠幌珠簾不獨映清歌

寶瑟自相依

盧照鄰長安古意曰長安大道連狹斜

青牛白馬七香車玉輦縱橫過主第金鞭絡繹向侯家
龍含寶蓋承朝日鳳吐流蘇帶晚霞百丈遊絲爭繞樹
一羣嬌鳥共啼花啼花戲蜨千門側碧樹銀臺萬種色
複道交窗作合歡雙闕連甍垂鳳翼梁家畫閣中天起
漢帝金莖雲外直樓前相望不相知陌上相逢詎相識
借問吹簫向紫煙曾經學舞度芳年得成比目何辭死
願作鴛鴦不羨仙比目鴛鴦直堪羨雙來雙去君不見

生憎帳額繡孤鸞好取門簾貼雙燕雙燕雙飛繞畫梁
羅幃翠被鬱金香片片行雲著蟬鬢纖纖初月上鴉黃
鴉黃粉白車中出含嬌含態情非一妖童寶馬鐵連錢
娼婦盤龍金屈膝御史府中烏夜啼廷尉門前雀欲棲
隱隱朱城臨玉道遙遙翠幃沒金堤挾彈飛鷹杜陵北
探丸借客渭橋西俱邀俠客芙蓉劍共宿娼家桃李蹊
娼家日暮紫羅襖清歌一轉口氤氲北堂夜夜人如玉
南陌朝朝騎似雲南陌北堂連北里五劇三條控三市

弱柳青槐拂地垂佳氣紅塵暗天起漢代金吾千騎來
翡翠屠蘇鸚鵡杯羅襦寶帶爲君解燕歌趙舞爲君開
別有豪華稱將相轉日回天不相讓意氣由來排灌夫
專權判不容蕭相專權意氣本英雄青虬紫燕坐生風
自言歌舞常千載自謂驕奢凌五公節物風光不相待
桑田碧海須更改昔時君家白玉堂即今惟見青松在
寂寂寥寥揚子居年年歲歲一牀書獨見南山桂花發
飛來飛去襲人裾 宋之問長安路詩曰秦地平如掌

層城出雲漢樓閣九重春車馬千門旦綠柳開復合紅
塵聚還散日晚鬪雞場經過狹斜看 儲光義長安道

詩曰西行一千里暝色生寒樹暗聞歌吹聲知是長安
路 杜牧長安雜詩曰雨晴九陌鋪江練嵐嫩千峰疊
海濤南苑草芳眠錦雉夾城雲暖下霓旄少年羈絡青
紋玉遊女花簪紫蒂桃江碧柳深人盡醉一瓢顏巷日
空高 又曰洪河清渭天池濬太白終南地軸橫祥雲
輝映漢宮紫春光繡畫秦川明草妬佳人鈿朶色風迴

公子玉銜聲六飛南幸芙蓉苑十里飄香入夾城 金

吳激長安懷古詩曰佳氣猶能想鬱蔥雲開雙闕峙蒼
龍春風十里灞陵樹曉月一聲長樂鐘小苑花開紅漠
漠曲江波漲碧溶溶眼前疊嶂青如畫借問南山第幾
峰 元宋本大都詩曰拋却漁竿滄海邊拂衣來看九
重天畫闌九陌橋如月綠影千門樹似煙南國佳人王
幼玉中朝才子杜樊川紫雲樓上如澠酒孤負春風二
十年 又曰繡錯繁華徧九衢上林詞賦漢西都朱門

細婢金條脫紫禁材官玉鹿盧萬里星辰開上界四朝
冠蓋翊皇圖東門白面生紈綺笑殺揚雄卧一區 又
曰蘆溝曉月墮蒼煙十二門開日色鮮海上神仙無弱
水人間平地有鈞天寶幢珠絡瞿曇寺蒙竹哀絲玳瑁
筵春雨如膏三萬里盡將嵩呼祝堯年 宋張燕都詩
曰萬戶千門氣鬱蔥漢家城闕畫圖中九關上徹星辰
界三市橫陳錦繡叢玉盃丞相府珠幢寶刹梵王
宮遠人縱睹爭修貢不用雕戈塞徼通 又曰風物鮮

妍飾禁城豪家戚里競留情花園錦幄清明宴香擁珠
樓乞巧棚叱撥馬搖金轡具幘幪車賜繡簾旌他年定
擬持鉛槧細數繁華紀太平 又曰流珠聲調錦琵琶
韋曲池臺似館娃羅袖舞低楊柳月玉笙吹綻牡丹花
龍頭瀉酒紅雲灩象口吹香綠霧斜却笑西鄰蠹書客
牙籤湘帙費年華 趙孟頫金陵懷古詩曰銅雀春深
漢苑空邯鄲月冷照秦宮煙花樓閣西風裏錦繡湖山
落照中河水南來非禹跡冀方北去有唐風滿城秋色

催遲暮愁對黃雲沒斷鴻
馬伯庸上京寓直詩曰萬

里雲沙碣石西高樓一望夕陽低谷量牛馬煙霞錯天

險山河海岱齊貢篚銀貂金作籍官室磁盞玉爲泥未

央殿下長生樹還許尋巢彩鳳棲
袁桷上京詩曰帝

京環陸海平野接冰天龍吐青林火狼沈紫塞煙風花

秋黯淡雲葉雨連綿昔日君臣意深符卜洛年
又曰

土屋層層綠沙坡簇簇黃馬鳴知電急雁過識天涼墨

菊清秋色金蓮細雨香內園通閭苑千樹壓羣芳
柳

貫上都詩曰出塞行瞻日趨朝喜近天離宮開苑囿馳
道絕風煙瑤水巡非遠峒山歷更綿甘泉多法從獻賦
憶當年 又曰昔建寰中業初開徼外山雉城平兀兀
沙水淨灣灣朱夏宸遊正清秋武衛閑叨陪文學乘空
愧鬢毛斑 馬祖常上京詩曰龍沙秋淺雲光薄畫羅
宮衣侵曉著吳娃楚娘侍團扇象輿鳳輦明珠絡椒花
染紫風雨香三十六盤天路長南都北都望行幸千秋
萬歲迎君王 余闕長安陌詩曰浩浩長安陌瓊樓夾

廣塵駕鸞御溝上芍藥吹樓前駿馬追韓嫣金尊約鄭
虔功名有時有且得樂當年 迺賢京城詩曰神京極

高峻風露恒泠然憧憧十二門車馬如雲煙紫霞擁宮
闕王氣浮山川峨峨龍虎臺日月開中天聖祖肇洪基
永保萬億年 明高啓望都邑詩曰落日登高望帝畿
龍蟠山下見龍飛雲霄雙闕開黃道煙樹三宮接翠微
沙苑馬閒秋獵罷天街車鬪晚朝歸明朝欲獻昇平頌
還逐仙班入瑣闈 又曰秦金不厭氣佳哉紫蓋黃旗

此日開殘雪已銷鵲觀浮雲不隱鳳皇臺山如洛下
層層出江自巴中渺渺來六代衣冠總塵土幸逢昌運
莫興哀 李維禎南都詩曰旌旗劔佩擁椒除尚想戎
衣革命初綠草不侵雕輦路紅雲常護紫宸居金銀宮
闕三山外煙雨樓臺六代餘誰謂長江天作塹八荒今
日共車書 李勗長安道詩曰層城迢遞入雲賒處處
春風面面花長樂鐘聲催漏箭新豐樹色擁行車妖姬
舞榭留明月貴主妝樓結綺霞日暮鄉塵迷九陌鸞輿

傳幸五侯家 熊鼎長安懷古詩曰立馬平原望故宮

關河百二古今雄南山雙闕阿房近北斗連城渭水通

龍去野雲收王氣鶴巢陵樹起秋風英雄事業昭前哲

看取秦皇漢武功 陳繼儒南都詩曰太平風景是京

華白馬黃衫七寶車寒食鬪雞歸去晚院門新月印梨

花 沈愚長安道詩曰西望長安道東風吹綠塵鬪雞

三市曉躍馬五陵春柳色迷行客花香撲麗人金張居

戚里遊宴不辭頻 王伯稠長安道詩曰白日照馳道

高天雙闕開黃金丞相閣清吹五侯臺馬蹴香塵起花
藏翠幃來新豐白首客彈鋏夜歌哀 薛蕙洛陽道詩

曰鳳闕正中天龍池帶洛川層城三市列複道兩宮連
錦帳藏歌妓羊車戲少年更逢嵇阮輩長嘯酒壚前

又長安道詩曰神州應東井天府擅西秦雙闕南山下
千門渭水濱公卿畏主父賓客慕平津方朔何爲者虛
稱避世人 陳子龍洛陽詩曰洛陽亦是漢東京伊闕
輾轅設險成朱邸中天金作冊黃河繞地帶爲盟宓妃

玉珮煙波冷淮客銀牀露草輕渺渺高雲愁帝子二嶠
風雨夜深鳴 皇甫汈金陵懷舊詩曰平生踪跡半京

畿別去秦淮歲屢違道上投珠多按劍市中擊筑幾沾
衣寺尋白社僧猶在宅訪青溪客已非莫向隴西逢醉
尉夜深愁向灞亭歸 王叔承金陵覽古詩曰南北乾

坤壯此行西風走馬石頭城三吳往事秋濤急六代新
愁暮雨生龍虎祇今餘王氣江山千里護神京請看豐
鎬艱難地回首園陵無限情 陶望齡燕京篇曰地軸

幽燕壯星辰北極尊向明開帝服面勢敞天門天門帝
服何雄麗到處煙花夾朱第崔嵬古臺黃金築迢遞離
宮白玉砌儲胥百萬護嚴更十二交衢繞鳳城見啓北
門封將校新開左掖召儒生連艘千里吳陵粟探甲三
營突騎兵旗亭分隊起輦路入雲平搦車隱隱闐街轉
流汗窮冬氣猶喘說劍相邀過慶卿談天何處逢鄒衍
走馬東門繡陌新角弓珠彈鬪芳春曾持紫綺裁行帳
共屑梅檀作遠塵 吳國倫燕京篇曰擬賦燕京勝三

都未足誇霸圖雄雁塞古戍扼龍沙北谷回陽令西山
擁帝家天平恆嶽迴地險薊門賒秦楚慚雞口侯王屬
犬牙重城開御氣雙闕倚明霞芳樹華陽館高臺易水
涯談天曾碣石望海即瑯琊帶甲環三輔梯航走八遐
風雲森劒佩雨露足桑麻紫陌新豐酒紅樓宛洛花輕
塵飛白練旭日麗青綢雪色并兒劒星杓漢使槎羽林
矜節俠戚里競紛奢接軫趨長樂揚鞭過狹斜悲歌逢
擊筑斥堠警鳴笳七校傳清蹕諸陵望翠華豎儒何寂

寔抱影獨長嗟

張時徹長安道詩曰曙動開長樂鶯

鳴繞建章龍媒馳道出鳳吹彩旌揚繡陌生朱霧銅溝
映綠楊渭橋春水漲日日泛鴛鴦 王廷相帝京詩曰

帝京南面俯中原王氣千秋湧薊門渤海東波連肅慎
太行西脊引崑崙九皇天運坤維奠萬國星羅北極尊
堯舜昇平見今日按圖形勝不須論 孟思詩曰箕尾
分星野軒轅肇帝墟燕山蟠王氣瀛海帶辰居西北饒
兵馬東南富國儲太平茲樂土非夢亦華胥

增歌行梁沈約長安有狹斜行曰青槐金陵陌丹轂貴
遊士方驂萬乘臣炫服千金子咸陽不足稱臨淄孰能
擬周王褒前題曰威紆狹斜道車騎動相喧博徒稱
劇孟遊俠號王孫勢傾魏侯府交盡翟公門路斜勞夾
轂塗艱倦折轅日斜宣曲觀春還御宿園塗歌楊柳曲
巷飲榴花尊獨有遊梁倦還守孝文園原梁戴嵩煌
煌京洛行曰欲知佳麗地爲君陳帝京由來稱俠窟爭
利復爭名鑄銅門外馬刻石水中鯨黑龍過飲渭丹鳳

俯臨城羣公邀郭解天子問黃瓊詔幸平陽第騎指伏
波營五侯同拜爵七貴各垂纓衣風飄颻起車塵暗浪
生舞見淮南法歌聞齊后聲揮金留客坐饌玉待鐘鳴
獨有文園客偏嗟武騎輕 陳張正見前題曰千門儼

西漢萬戶擅東京凌雲霞上起鳩鵲月中生風塵暮不
息簫管夜恆鳴唯當賣藥處不入長安城 又長安有

狹斜行曰少年重遊俠長安有狹斜路窄時容馬枝高
易度車簷高同落照巷小共飛花相逢夾繡轂借問是

誰家 隋越王侗京洛行曰青春上陽月結伴戲金華
龍媒玉珂馬鳳軫繡香車水映臨橋樹風吹夾路花日
昏歡宴罷相將歸狹斜 增李巨仁煌煌京洛行曰京
洛類神仙靄靄却雲煙漸臺臨太液玉樹并甘泉車喧
平樂外騎擁濯龍前競結蕭朱綬爭攀李郭船獨悲韓
長孺死灰猶未然 唐李白南都行曰南都信佳麗武
闕橫西關白水真人居萬商羅廛闌高樓對紫陌甲第
連青山此地多英豪渺然不可攀陶朱與五穀名播天

壤間麗華秀玉色漢女嬌朱顏清歌遏流雲豔舞有餘
閒遨遊盛宛洛冠蓋隨風還走馬紅陽城呼鷹白河灣
誰識卧龍客長吟愁鬢斑 權德輿廣陵行曰廣陵實
佳麗隋季此爲京八方稱輻輳五達如砥平大旆映空
色笳簫發連營層臺出重霄金碧摩灝清交馳流水轂
迴接浮雲甍青樓旭日映綠野春風晴噴玉光照地嘖
蛾價傾城燈前頻巧笑陌上相逢迎飄飄翠羽薄掩映
紅襦明蘭麝遠不散管絃閒自清 李咸用煌煌京洛

行曰長安近甸巡遊徧洛陽尋有黃龍見千乘萬騎如
雷轉差差清蹕祥煙卷百司舊分當玉殿太平官屬無
遺彥歌鐘沸激香塵散晨旗隱隱羅軒冕周公舊跡生
紅蘚瀍澗波光春照晚但聽嵩山萬歲聲將軍旗鼓何
時偃 明袁孝金陵歌曰夾岸垂楊起畫樓秦淮煙浪
接天流朝朝桂槳來江口夜夜蘭燈集渡頭 孫賁南
京行曰南京自古說豪雄遠勝秦中與洛中吳越千山
高拱北巴江一道遠朝東秦淮水入丹陽郭北固城連

六代宮爰業石頭如踞虎逶迤鍾岳似蟠龍
龍樓鳳閣天中起萬戶千門霄漢裏太乙
鈎陳紫極通翔鸞舞鶴珠峰峙卻日觚稜
駕寥廓行空複道侵箕尾仙掌銅盤玉作
流靈芝華蓋霞爲綺華蓋靈芝燦綺霞御
橋金水正當衙五門彩旭朝天仗馳道香風
散日華細柳千章爭拂地嬌鶯百轉競啼花
紫電龍光飛武庫雕甍甲第列侯家何景明
大梁行曰大梁自古號名區富貴繁華代不
殊高樓歌舞三千戶夾道煙花十二衢合沓
輪

騶交紫陌鳴鐘暮入王侯宅紅妝不讓掌中人珠履皆
爲門下客片言立賜萬黃金一笑還酬雙白璧 劉鳳
京洛行曰宅中形勝澗瀍深作洛千年王氣沈關控河
流當地軸嶽分嵩少壓天心西來驛路通雍時北枕秦
城接華陰禹跡茫茫敷九土獨令磐石誦虞箴 顧璘
南巡舊京歌曰北固江濤控海門南都山勢疊崑崙金
宮暫啓雙龍見玉殿遙臨萬馬屯 又曰六代繁華何
足誇而今四海共爲家暫看吳苑環城水終憶燕臺夾

路花



御定洲鑑類函卷三百三十二

欽定四庫全書

總校官庶吉士臣張能照

校對官編修臣朱攸

謄錄監生臣周學澐

欽定四庫全書薈要

子部

御定淵鑑類函卷三百三十三

詳校官兵部主事臣雷純

欽定四庫全書薈要卷一萬一千七百八十一


子部

御定淵鑑類函卷三百三十三

京邑部二

京邑

京邑五


漢揚雄蜀都賦曰蜀都之地古曰梁州禹治其江

渟皋彌望鬱乎青蔥丹鳳青龍石鱗水螭於近則有瑕
英菌芝玉石江珠於遠則有銀鉛錫碧馬犀象焚西有
鹽泉鐵冶橘林銅陵其傍則有期牛兕旄金馬碧雞其

竹則宗生族攢俊茂豐美夾江緣山尋卒而起其深則
有獼獼沈鯁水豹蛟蛇其都門二九四百餘間兩江珥
其市九橋帶其流苴竹浮流龜鼈磧石風胎雨轂衆物
駭目百華投春隆隱芳芬螭燭若揮錦布繡望芒芒兮
無幅其布則笥中黃潤一端數金雕鏤鉛器百技千工
乃使有伊之徒調夫五味甘甜味之和勺藥之羹江東鮐
鮑隴西牛羊五肉七菜勝厭腥臊若其吉日嘉會期於
□□送春之陰迎夏之陽置酒於滎川之間宅設坐於

華都之高堂延帷揚幕接帳連岡郗公之徒相與如平
陽頗巨沼羅車百乘期會投宿觀者方隄行舟競逐也
後漢班固西都賦曰漢之西都在乎雍州左據函谷
二嶠之阻表以終南太華之山右界褒斜隴首之險帶
以洪河涇渭之川披三條之廣路立十二之通門英俊
之域紱冕所興冠蓋如雲七相五公其陽則崇山隱天
幽林穹谷陸海珍藏藍田美玉其陰則冠以九峻陪以
甘泉下有鄭白之沃衣食之源提封五萬疆場綺分溝

膝刻鏤原隰龍鱗決渠降雨荷鍤成雲離宮別館神池

靈沼其中乃有九真之麟大宛之馬黃支之犀條枝之

鳥其宮室也體象乎天地經緯乎陰陽樹中天之華闕

豐冠山之朱堂因瓌材而究奇抗應龍之虹梁列芬櫨

以布翼荷棟桴而高驤雕玉璫以居楹裁金壁以飾璫

左城

倉勒反
階級也

右平重軒三階閨房周通門闥洞開列鐘

虞於中庭立金人於端闈增盤崔嵬登降炤爛殊形詭

制每各異觀乘茵步輦唯所息宴後宮則有掖庭椒房

后妃之室茝若椒風披香發越蘭林蕙草鴛鸞飛翔之
列昭陽持盛隆於孝成隋侯明月錯落其間金釭銜壁
是為列錢翡翠火齊流耀含英珊瑚碧樹周阿而生後
宮之號十有四位窈窕繁華更盛迭貴又有天祿石渠
典籍之府講論乎六藝稽合乎同異周以鈎陳之位衛
以嚴更之署周廬千列徼道綺錯輦路經營脩除飛閣
陵塏道而超西墉混建章而連外屬神明臺名也鬱其特
起遂偃蹇而上躋軼雲雨於太半虹蜺迴帶於焚楣攀

井幹而未半目眩轉而意迷靈草冬華神木叢生抗仙
掌以承露擢雙立之金莖爾乃盛娛遊之壯觀耀威靈
而講武事命荊州使起鳥詔梁野而驅獸毛羣內填飛
羽上覆列卒周匝星羅雲布矢不單殺中必疊雙風毛
雨血灑野蔽天於是天子乃登屬王之館歷長楊也

上林

之榭陳輕騎以行魚騰酒車以斟酌割鮮野食舉烽命
爵大輅鳴鑾容與徘徊集乎豫章之宇臨乎昆明之池
左牽牛而右織女似雲漢之無涯茂樹蔭蔚芳草被隄

若摛錦與布繡燭耀乎其陂玄竊白鷺見鷺鴻鴈浮沈
往來雲集霧散都都相望邑邑相屬國藉十世之基家
承百年之業又東都賦曰王莽作逆漢祚中缺於是
聖皇握乾符闢坤珍披皇圖稽帝文赫然發憤應若興
雲遂超大河跨北嶽立號高邑建都河洛系唐統接漢
緒茂育羣生恢復疆宇若乃順時節而蒐狩簡車徒以
講武歷駟虞覽駟驥嘉車攻采吉日禮官整儀乘輿乃
出於是發鯨魚鏗華鐘登玉輅乘時龍元戎竟野戈鋌

彗雲羽毛埽霓旌旗拂天然後舉烽伐鼓申令三驅輕

車霆激驍騎電驚指顧倏忽獲車已實樂不極般殺不

盡物於是薦三犧效五牲禮神祇懷百靈覲明堂臨辟

雍登靈臺考休徵列百僚而贊羣后究皇儀而展帝容

明堂詩曰於昭明堂明堂孔陽聖皇宗祀穆穆煌煌辟

雍詩曰乃流辟雍辟雍湯湯聖皇莅止造舟為梁靈臺

詩曰三光宣精五行布序習習祥風祁祁甘雨寶鼎詩

曰岳修貢兮川效珍吐金景兮敲浮雲寶鼎見兮色紛

紆煥其炳兮被龍文白雉詩曰啟靈篇兮披瑞圖獲白
雉兮效素鳥嘉祥阜兮集皇都張衡南都賦曰於顯

樂都既麗且康陪京之南居漢之陽割周楚之豐壤跨
荆豫而為疆體奐塏以間敞紛紛郁郁其難詳爾其地勢
則武闕闢其西桐柏揭其東流滄浪而為隍廓方城而
為墉湯谷涌其後涓水蕩其胸推淮引湍三方是通其
寶利珍怪則金采玉璞隋珠夜光太乙餘糧中黃穀玉
松子神陂赤靈解角耕父揚光於清冷之泉游女弄珠

於漢皋之曲其水蟲則有螻蛄鳴蛇潛龍伏螭其鳥則
有鴛鴦鵠鷺鴻鵠鴝鵒和鳴澹澹隨波其香草則
有薜荔蕙若蘼蕪蓀蓂晻曖蓊蔚含芬吐芳酒則九醞
甘醴十旬蕪清醪敷徑寸浮蟻若萍其甘不爽醉而不
醒獻酬既交率禮無違彈琴擲箏流風徘徊於是暮春
之禊元巳之辰方軌齊軫祓於陽瀕朱帷連網曜野映
雲脩袖繚繞而滿庭羅襪躡蹠而容與翩綿綿其若絕
眩將墜而復舉於是羣士放逐馳乎沙場俯貫魴鱖仰

落雙鶴魚不及竄鳥不暇翔車雷震而風厲馬鹿超而
龍驤夕暮言歸其樂難忘 又西京賦曰有憑虛公子

者

無此公子但
依憑言之

言於安處先生曰

亦無此
先生也

秦據雍而強

周即豫而弱高祖都西而泰光武處東而約先生獨不
見西京之事歟漢氏初都在渭之涘秦里其朔是為咸

陽

里居朔北也高帝
六年改曰長安

左有嶠函重險桃林之塞綴以二

華巨靈鼎負高掌遠蹠以流河曲厥迹猶存右有隴坻

之隘隔閔華戎岐梁岍雍

皆山名

陳寶鳴鷄在焉於前則

終南太乙隆崛崔嵬隱轡鬱律連岡乎蟠冢爰有藍田
珍玉是之自出於後則高陵平原據渭踞涇其遠則有
九峻甘泉涸陰沍寒日北至而含凍此焉清暑實為地
之奧區神皋昔者大帝悅秦穆公而覲之饗以鈞天廣
樂帝有醉焉乃為金策錫用此土而剪諸鵜首自我高
祖之始入也乃覽秦制跨周法正紱宮於未央表堯闕
於閭闔疏龍首以抗殿狀鬼裁以茂業蒂倒茄於藻井
披紅葩之狎獵飾華棖與璧璫流景曜之曄曄雕楹玉

鵲繡栢雲楣三階重軒鏤檻文槐右平左城青瑣丹墀

仰福帝居陽曜陰藏洪鐘萬鈞猛虞趙趙負筍業而餘

怒乃奮翅而騰驤若夫長年神仙宣室玉堂麒麟朱鳥

龍興含章正殿路寢用朝羣辟嘉木樹庭芳草如積高

門有閼列坐金狄

秦時長狄見於臨洮鑄銅作其象

後宮則昭陽飛翔

增成合歡蘭林披香鳳凰鴛鴦

皆後宮殿名

故其館室次舍

采飾纖縟裒以藻繡文以朱綠翡翠火齊絡以美玉流

懸黎之夜光綴隋珠以為燭於是鈎陳之外閣道穹隆

屬長樂與明光徑北通乎桂宮恣意所幸下輦成燕窮

年忘歸猶不能徧覩

脉音

往昔之遺館獲林光於秦餘處

甘泉而興壇乃隆崇而弘敷既新作於迎風增露寒與
儲胥通天眇以竦峙徑百常而莖擢翔鵬仰而勿逮况
青鳥與黃雀伏櫺檻而俯聽聞雷霆之相激柏梁既災
越巫陳方建章是經用厭火祥園闕竦以造天若雙碣
之相望鳳騫翥於薨標咸遡風而欲翔干雲霧而上達
狀亭亭以岩岩神明崛其特起井幹疊而百增上飛闥

而仰眺正覩瑤光與玉繩列瀛洲與方丈夾蓬萊而駢
羅長風激於別島起洪濤而揚波海若游於玄渚鯨魚
失流而蹉跎立脩莖之仙掌承雲表之清露屑瓊蕊以
朝餐必性命之可度爾乃廓開九市通闕帶闐旗亭五
重俯察百隧

列肆也

上林禁苑跨谷彌阜東至鼎湖斜界

細柳掩長楊而聯五柞繞黃山而款牛首乃有昆明靈
沼黑水玄趾周以金堤樹以柳杞豫章珍館揭焉中峙
牽牛立其左織女處其右日月於是乎出入象扶桑與

濊汜其魚則鮪鯢鱗魴修額短項大口折鼻詭類殊種
鳥則鸛鵒鵠鴝鴒鴝鴻鸛南翔衡陽北棲鴈門於是孟
冬作陰寒風肅殺雨雪飄颻冰霜慘烈天子乃駕雕軫
六駿駮戴翠帽倚金較華蓋承辰天畢前驅千乘雷動
萬騎龍超縱獵徒赴長莽迺卒清候武士赫怒河渭為
之波盪吳岳為之陁堵百禽悽遽騃瞿奔觸喪精亡魂
失歸忘趨矢不虛捨鋌不苟躍當足見踉值輪被轢乃
使迅羽輕足尋景追括鳥不暇舉獸不得發青骹摯於

韞下韓盧噬於縹末於是鳥獸殫目觀窮遷延邪睨集

乎長楊之宮酒車酌醴方駕授饗升觴舉燧既醕鳴鐘

懷佯乎五柞之館旋憩乎昆明之池浮鷁首翳雲芝垂

翟葆建羽旗齊拽女縱棹歌奏淮南度陽阿大駕幸乎

平樂張甲乙而襲翠被臨迴望之廣場程角觝之妙戲

烏獲扛鼎都盧尋橦衝狹燕濯胸突鈇鋒跳丸劍之揮

霍走索上而相逢度曲未終雲起雪飛巨獸百尋是為

蔓延神山崔嵬歟從背見白象行孕垂鼻麟困海鱗變

而成龍狀蜿蜿以蜃蜃

於云反
龍形貌

舍利

怪獸名

颰颰化為仙

車驪駕四鹿芝蓋九葩奇幻倏忽易貌分形吞刀吐火

雲霧杳冥畫地成川流渭通涇百馬同轡騁足並馳撞

末之妓態不可彌秘舞更奏妙材騁伎始徐進而羸形

似不任乎羅綺紛縱體而迅赴若驚竊之羣罷要紹脩

態麗服颰菁眇邈流盼一顧傾城列爵十四競媚取榮

盛衰無常唯愛所丁衛后興於鬢髮飛燕寵於體輕

又東京賦曰是時也七雄並爭競相高以奢麗楚築章

華於前趙建叢臺於後秦政利甯長距終得擅場思專
其侈以莫已若也乃構阿房起甘泉結雲閣觀南山百
姓不能忍是用息肩於大漢高祖膺籙受圖順天行誅
埽項軍於垓下紕子嬰於軹途因秦宮室據其府庫且
夫天子有道守在海外守位以仁不恃隘害秦負阻於
二關卒開項而受沛彼偏據而規小豈若宅中而圖大
昔先王之經邑也掩觀九隩靡地不營土圭測影不縮
不盈總風雨之所交然後以建王城審曲面勢沂洛背

河左伊右瀍西阻九河盟津達其後大谷通其前迴行
道乎伊闕斜徑捷乎轅轅太室作鎮揭以熊耳底柱輟
流鐔以太垓漢初弗之宅也故宗緒中圯巨猾間釁竊
弄神器歷載三六偷安天位我世祖忿之乃龍飛白水
鳳翔參墟授鉞四七共工是除區宇乂寧思和求中睿
哲立覽都茲洛宮逮至顯宗六合殷昌既新崇德遂作
德陽昭仁惠於崇賢抗義聲於金商建象魏之兩觀旌
六典之舊章濯龍芳林九谷八谿芙蓉覆水秋蘭被涯

永安離宮修竹冬青陰池幽流玄泉冽清鴨鵝秋棲鵲

鵲春鳴鵲鵲鵲黃闕闕嚶嚶於南則前殿靈臺和懽安

福諺門曲榭斜阻城洳奇樹珍果鈎盾所職於東則洪

池清籊淥水澹澹內阜川禽外豐葭莢其西則平樂都

場示遠之觀龍雀蟠蜿天馬半漢乃營三宮布政頌常

複廟重屋於斯胥洎龍輅充庭雲旗拂霓夏正三朝庭

燎晰晰章列反春日載陽合射辟雍設業設虞宮懸金鏞

鼓音汾鼓路鼗音桃樹羽幢幢張大侯制五正設三之扉音扉

司旌天子乃撫玉輅時乘六龍發鯨魚鏗華鐘攝提運

衡徐至於射宮禮事展樂物具王夏闋騶虞奏決拾既

欣彫弓斯設

古侯反

達餘萌於暮春昭誠心以遠喻三農

之隙耀威中原歲惟仲冬大閱西園乃馭小戎撫輕軒

戈矛若林牙旗繽紛迄乎上林結徒為營叙和樹表司

鐸授鉦坐作進退節以軍聲火烈具舉武士星敷鴈鵠

魚麗箕張翼舒馭不詭遇射不翦毛升獻六禽時膳四

膏成禮三驅解罟放麟不窮樂以訓儉不殫物以昭仁

爾乃卒歲大儺驅除羣癘侔子萬童丹首玄製桃弧棘
矢所發無臬飛礮雨散剛瘳必斃煌火馳而星流逐赤
疫於四裔 傳毅洛都賦曰惟漢元之運會世祖受命
而弭亂體神武之聖姿握天人之契贊尋往代之規兆
仍儉塞之自然被崑崙之洪流據伊洛之雙川挾成臯
之嚴阻扶二嶠之崇山分畫經緯開正塗軌序立廟祧
面朝後市歎息起雰霧奮袂生風雨覽正殿之體制承
日月之皓精騁流星於窾陋追歸鴈於軒轅帶螭龍之

疏鏤垂菡萏之敷榮顧濯龍之臺觀望永安之園藪渟

清沼以泛舟浮翠蚪與玄武桑宮繭館區制有規后帥

九嬪躬敕工女近則明堂辟雍靈臺之列宗祀揚化雲

物是察其後則有長岡芒阜屬以首山通谷岷岵石瀨

寒泉於是乘輿鳴和按節發軔列翠蓋方龍輶備五路

之時副檻三辰之旗旂傳說作僕義和奉時千乘雷駭

萬騎星鋪絡繹相屬揮沫揚鑣羣仙列於中庭發魚龍

之巨偉羨門拊鼓倕佺操麾講武農隙校獵因田搜幽

林以集禽激通川以御獸跨乘黃射遊麋弦不虛控目
不徒睇解腋分心應箭殪夷然後弭節容與淶水之濱
垂芳餌於清流出旋瀨之潛鱗 杜篤論都賦曰天命
有聖託之大漢大漢開基高祖有勲斬白蛇屯黑雲蹈
滄海跨崑崙劉敬建策初都長安太宗承流守之以文
孝武因其餘財府帑之蓄深入匈奴割裂王庭連緩耳
鎖雕題摧天竺挈象犀沃野千里原隰彌望保植五穀
桑麻條暢濱據南山帶以涇渭號曰陸海蠡生萬類城

池百尺阨塞要害一人奮戟三軍沮敗於時聖帝赫然

申威南擒公孫北脅強胡西平隴冀東據洛都今天下

新定矢石之勤始瘳未遑於論都而遺思雍州 崔駰

反都賦曰漢歷中絕京師為墟光武受命始遷洛都客

有陳西土之富云洛邑褊小故略陳禍敗之機不在險

也建武龍興奮旅西驅虜赤眉討高胡斬銅馬破骨都

收翡翠之駕據天下之圖上帝受命將昭其烈潛龍初

九真人乃發上貫紫微徘徊天闕握狼狐蹈參伐陶以

乾坤始分日月觀三代之餘烈察殷夏之遺風背嶠函
之固卽周洛之中興四郊建三雍禪梁父封岱宗 魏

徐幹齊都賦曰齊國實坤德之膏腴而神州之奧府其
川瀆則洪河洋洋發源崑崙驚波沛厲浮沫揚奔南望
無垠北顧無鄂薰葭蒼蒼莞菰沃若瑰禽異鳥羣萃乎
其間帶華蹈縹披紫垂丹應節往來翕習翩翩翻靈芝生
乎丹石發翠華之煌煌其實玩則玄蛤抱璣駿蚌含璫
構夏殿以宏覆起層榭以高驤龍楹螭桷山岳雲牆其

後宮內庭嬪妾之館衆偉所施極巧窮變然後修龍榜
遊洪池折珊瑚破琉璃日既仄而西舍乃反宮而棲遲
歡幸在側便嬖侍隅含清歌以詠志流玄眸而微盼竦
長袖以合節紛翩翩翻其輕迅王乃乘華玉之輅駕玄駮
之駿武騎星散鉦鼓雷動旌旗虹亂盈乎靈圃之中於
是羽旌咸興毛羣盡起上蔽穹庭下被皋薺 劉楨魯
都賦曰昔大廷氏肇建厥居少昊受命亦都茲焉山則
連岡屬嶺陸眇峽北紮金揚暉於鴻崖水精潛光乎雲

穴岱宗邈其層秀干氣霧以高越其木則赤楨青松文

莖蕙棠洪幹百圍高徑穹皇竹則填彼山垠陔彌坂域

夏蕩攢包勁條並殖翠實離離鳳凰攸食水產衆夥各

有彛倫頽首華尾豐顱重斷戴兵挾刃盤甲曲鱗且觀

其時謝節移和族綏宗招歡合好肅戒友朋蛾眉清眸

顏若雪霜插曜日之珍筭珥明月之珠璫舞人就列整

飾容華和顏揚眸盼風長歌飄乎焱發身如轉波尋虛

騁迹顧與節和縱脩袖以終曲若奔星之赴河及其素

秋二七天漢指隅民胥被襖國於水游緹帷彌津丹帳
覆洲蓋如飛鶴馬如游魚應門巖巖朱扉含光路殿歸
其隆崇文陞巘其高驤聽迅雷於長除若有聞而復亡
其園囿苑沼駢田接連淶池分浪以帶石垠文隅瓊岸
華玉依津邦乃大狩振揚炎威教民即戎講習興師落
幕包括連結營圍毛羣隕殪羽族殲剝填畸塞畎不可
勝錄 劉劭趙都賦曰且敝邑者固靈州之敝宇而天
下之雄國南則有洪川巨瀆黃水濁河發源積石徑拂

太華灑為九流入於玄波其東則天浪水府百川是鍾
包絡坤維連薄大濛其北則有陶林玄壇增氷沍寒其
西則有靈丘平圃邪接崑崙其近則有天井句注飛狐
太行璫錯礪砢屬阜連岡龍首嵯峨以岷鬱羊坂崙岵
以岵塘清漳發源濁滏汨越湯泉涓沸洪波漂厲爾乃
都城萬雉百里周迴九衢交錯三門旁開層樓竦閣連
棟結階峙華爵以表薨若翔鳳之將飛正殿儼其造天
朱櫺赫以舒光盤蚪螭之蜿蜒承雄虹之飛梁結雲閣

於南宇立叢臺於少陽及至暮秋涉冬朔風烈寒猛豺
驚攫鷹隼奮翰國乃講武狩於清原駕驚冥之駮駮抗
沖天之旌旃北連昭餘南屬呼池西盼太陵東結繚河
然後嶠子放機戈矛亂發決斑鬢破文額當手斃僵應
弦倒越爾乃進夫中山名倡襄國妖女狄鞮妙音邯鄲
才舞六八駢羅遞奏迭舉體凌浮雲聲哀激楚其珍玩
服物則崑山美玉玄珠曲環輕綃啟繒織纊綈其器
用良馬則六弓四弩綠沈黃間堂礪魚腸丁令角端飛

兔奚斯常驪紫燕豐鬣碩顱龍身鵠頸目如黃金蘭筋
參精迅躡飛浮軼響追聲若乃至季春元巳辰火熾光
挺新贈往被於水陽朱幕蔽野綵帷連岡妖冶呈飾顏
如春英 晉左思蜀都賦曰夫蜀都者蓋兆基於上世
開國於中古廓靈闕而為門包玉壘而為宇帶二江之
雙流抗義眉之重阻水陸所湊兼六合而交會焉於前
則跨躡捷牂枕倚交趾經途所亘五千餘里於是乎節
竹緣嶺茵桂臨崖旁挺龍目側生荔枝布綠葉之萋萋

結朱實之離離孔翠羣翔犀象競馳白雉朝雒猩猩夜
啼金馬騁光而絕影碧鷄條忽而曜儀火井沈熒於幽
泉高燭飛煽於天垂於後則卻背華容北指崑崙緣以
劍閣阻以石門流漢湯湯驚浪雷奔望之天迴即之雲
昏水物殊品鱗介異族或藏蛟螭或隱碧玉其樹則有
木蘭浸桂杞櫛椅桐梗枏幽藹於谷底松柏蓊蔚於山
峰擢脩幹竦長條扇飛雲拂輕霄羲和假道於峻岐陽
鳥迴翼乎高標於東則左綿巴中百濮所充外負銅梁

於宕渠內函要害於膏腴丹砂赭熾出其坂蜜房郁毓
被其阜山圖採而得道赤斧服而不朽交讓所植蹲鴟
所伏百藥灌叢寒卉冬馥其中則有青珠黃環碧瓘芒
消或豐綠萸或蕃丹椒紅葩紫飾柯葉漸苞敷蕊歲蕤
落英飄颻溝洫脈散疆里綺錯黍稷油油稷稻漠漠指
渠口以為雲門灑漉池而為陸澤爾乃邑居隱軫夾江
傍山家有鹽泉之井戶有橘柚之園百果甲圻異色同
榮朱櫻春熟素柰夏成若乃大火流涼風厲白露凝微

霜結紫梨津潤楸栗罇發蒲桃亂潰石榴競裂晨鳧旦

至候鴈銜蘆木落南翔冰泮北徂雲飛水宿嘆吭

胡浪反

清渠其深則有鱣鮪鱖鯢鯉魴鰭差鱗次色錦質報

章闢二九之通門畫方軌之廣塗營新宮於爽塏擬承

明而起廬結陽城之延閣飛觀榭乎雲中開高軒以臨

山列綺窗而瞰江內則宣化之闡崇禮之闡華闕雙邈

重門洞開金鋪交映玉題相輝亞以少城接乎其西列

隊百重羅肆巨千賄貨山積纖麗星繁都人士女袷服

靚

才性反

妝布有撞華麪有枕擲邛竹傳節於大夏之邑

蒟醬流味於番禺之鄉闐闐之裏伎巧之家百室離房

機杼相和貝錦斐成濯色江波若夫王孫之屬邵公之

倫從禽於外巷無居人並乘驥子俱服魚文西踰金隄

東越玉津戟食鐵之獸射噬毒之鹿拍羆岷於萋草彈

言鳥於森木拔象齒戾

歷結反

犀角鳥鍬翮獸廢足殆而

竭來相與第如滇

丁田反

池集乎江洲試水客艤輕舟娉

江妃與神遊將饗獠者張帟幕會平原酌清醕割芳鮮

飲御酣賓旅旋車馬雷駭轟轟聞聞近則江漢炳靈世
載其英蔚若相如儻若君平王褒煒燦而秀發揚雄含
章而挺生幽思綯道德摘藻揆天庭 又吳都賦曰東

吳王孫韞

教忍反
大笈也

然而哈曰夫上圖景宿辯於天文者

也下料物土析於地理者也鳥策篆素玉牒石記烏聞
梁岷有陟方之館行宮之基歟而吾子獨未聞大吳之
壯麗乎且有吳之開國也造自泰伯宣於延陵故其經
略上當星紀拓土畫疆指衡嶽以鎮野目龍川而帶垆

百川派別歸海而會控清引濁混濤并瀨噴薄沸騰寂
寥長邁出乎大荒之中行乎東極之外於是乎長鯨吞
航脩鯢吐浪躍龍騰蛇蛟鯢琵琶沂洄順流噏噉沈浮
鳥則鷗鷖鷗鷖音霜鵲鷺鴻鵠鵠避風候鴈造江湛淡
羽儀隨波參差理翮整翰容與自玩彫琢蔓藻刷盪漪
瀾蚌蛤珠胎與月虧全巨鼇鼉屬首冠靈山大鵬綰翻
翼若垂天洪桃盤屈丹桂灌叢瓊枝抗莖而敷蕊珊瑚
幽茂而玲瓏增岡重阻列真之宇江妃於是往來海童

於是宴語草則藿蒟豆蔻薑朮非一石帆海松東風扶

留布獲皋澤蟬聯陵丘黃緣山岳之岳

音 冪

音 歷

煙

江

海之流木則平仲君遷松梓古度楠榴之木相思之樹

宗生高岡族茂幽阜擢本千尋垂蔭萬畝與風飄颻颻

瀏颻颻鳴條律暢飛音響亮盖象琴筑並奏笙竽俱唱

其竹則簣簴林箴

音

於桂箭射筒柚梧有篁簟箬有叢苞

筍抽節往往縈結綠葉翠莖冒霜停雪梢雲無以踰嶰

谷弗能連鸞鷟食其實鵲鵲擾其間其果則丹橘餘甘

荔枝之林檎榔無柯柳葉無蔭其琛賂則琨瑤之阜銅

錯

白鐵也

之垠大齊之寶駭鷄之珍頰丹明璣金華銀朴

紫貝流黃縹碧素玉其荒陬譎詭則有龍穴內蒸雲雨
所儲陵鯉若獸浮石若桴雙則比目片則王餘窮陸飲
木極沈水居泉室潛織而卷綃淵客慷慨而泣珠象耕
鳥耘此之自與煮海為鹽采山鑄錢國稅再熟之稻鄉
貢八蠶之綿造姑蘇之高臺臨四遠而特建帶朝夕之
濬池佩長洲之茂苑闕東山之府則瓊寶溢目觀海陵

之倉則紅粟流行雕藥鏤案

音節

青瑣丹楹圖以雲氣畫

以僊靈高闈有閼洞門方軌朱闕雙立馳道如砥樹以

青槐亘以淶水桃笙象簟韜於筒中蕉葛升越弱於羅

紈命官師而擁鐸將校獵兮具區吳王乃巾玉輅輶驢

驢羽毛揚旌雄戟耀芒貝胄象弭織文鳥章六軍初服

四騏龍驤猩猩啼而就禽鬻鬻

扶弗反

笑而被格屠巴蛇

出象骼斬鵬翼掩廣澤結輕舟而競逐迎潮水而振緡
精衛銜石而遇繳文鯨夜飛而觸綸指包山以為期集

洞庭而淹留數軍實乎桂林之苑饗戎旅乎落星之樓

又魏都賦曰魏國先生有睟其容乃盱衡而誥曰昇

乎交益之士劍閣雖嶮

嶮險也

憑之者蹶洞庭雖濬負之

者北且魏土者畢昴之所應虞夏之餘人先王之桑梓

列聖之遺塵爾其疆域則旁極齊秦結湊冀道開胸殷

衛跨躡燕趙墨井鹽池玄滋素液厥田惟中厥壤惟白

思重文摹大壯覽荀卿采蕭相扮檫複結藥櫨疊施丹

梁虹申以並亘朱楠林布而支離綺井列疏以懸帶華

蓮重葩而倒披於前則宣明顯陽順德崇禮重闌洞出

鏘鏘濟濟於後則椒竊文石永巷壺術楸梓木蘭次舍

甲乙增構莪莪清塵剽剽雲雀踈薨而矯首壯翼擣鏤

於青霄雷雨杳冥於天半暎日籠光於綺寮碩果灌叢

圍木竦尋篁篠懷風蒲萄結陰丹藕淩波而的皪綠芰

汎濤而浸潭羽翮頡頏鱗介浮沈磴流十二同原異口

蓄為屯雲泄為行雨內則街衢輻輳朱闕結嵎石杠

杠橋

也飛梁出控漳渠疏通溝以濱路蘿青槐以蔭途

庾

闡揚都賦曰子未聞揚都之巨偉也左滄海右岷山龜
鳥津其落江漢演其源碣金標乎象浦注桐柏乎玄川
昔句吳端委延州儷臧高讓殆於庶幾英風亞乎潁陽
土映黃旗之景巒吐紫蓋之祥巖栖赤松之館岫啟縉
雲之堂龍符渙而夏德興羣神萃而玉帛昌也天包龍
軫地奄衡霍玄聖所遊陟方所託我皇晉之中興而駿
命是廓靈運啟於中宗天網振其絕絡於是乎源澤浩
養林阜隱蒼鼓蠡吞江荆牙吐瀨赴三峽之隘洞九川

之會泮五嶺而分流鼓沱潛而碎沛逢渤澥滙潢漾擁
涌驚波霆激駭浪山動東注尾閭呼噏洞庭茫若雲漢
窈若青城其山則重岡峩峩峻嶺崕崕陽侯鱗萃龍濤
綺錯嶂峩磊砢嵬嵬鄙薄旁帶千溪下周萬壑木則灌
以杞梓被以沙棠結根九疑布葉天柱林為五嶽之苑
材為八都之府埽飛虹虧陽景拂白雪而增翠凌廣漠
而敷穎竹則簾風箇簾篠簞林筵單棘筓篠菊蔚蕭疎
貞條捎風勁節集霧望之猗猗即之倩倩蒼筤之竿東

南之箭其林可遊其芳可薦草則陵茗海藻山英江蘼
綸組菁茅繁露卷舒獸則駒駉狻猊鋸牙披蹄登重巘
蹲蹠噫氣則風生噴沫則雨灑其間則有騰猿天嬌
閃儵柯杪風母果然星流電遷或陵虛赴絕或繚繞希
聞鳥則鷦鷯孔翠丹穴之羽鳴鳳自歌翔鸞自舞魚則
蛟鱣鰐鰕比目鱠魴脩鯢橫海長鯨偃波其中則有靈
蛟白鼈之族種繁六眸類豐三足鸚螺蛻骨寄居負教
餘泉如輪文蜺如琢果則黃甘朱橙楊桃枇杷林蔚八

桂之叢色耀三珠之華爾其實怪則有瑤琨琅玕青壁
素珉陽珠散火陰甲潛珍雲英水玉錯耀龍鱗煥若金
膏晃若燭銀琉璃冰朗而外映珊瑚觸石而構翹牙簞
列文於象齒火布濯穢於炎焱西徂石城則舟車之所
混并東盡金塘則方駕之所連箱其中則有龍坻華屋
晨鳬之舸青雀飛艫餘皇鼓枻鷁首鋪於黃宮盤蛟纏
於赤馬爰有蘭堂華屋高門重構羅鼎玉食絲竹並奏
龍駒汗血於廣塗朱輪擊轂而輻輳 傳玄正都賦曰

撫琴瑟陳鐘簴吹鳳簫擊鼉鼓奏新聲理秘舞乃有材
童妙妓都盧迅足緣脩竿而上下形既變而景屬忽跟
挂而倒絕若將墜而復續虬紫龍蛇委隨紆曲杪竿首
而腹旋承嚴節之繁促於是神嶽雙立岡巖峯峯靈草
蔽崖嘉木成林東父翳青蓋而遐望西母使三足之靈
禽丹蛟吹笙文豹鼓琴素女撫瑟而安歌聲可意而入
心偃佺仝而竊立和清響而哀吟 增唐李庾西都賦
曰其地勢也負秦章臺倚漢甘泉帶涇渭之富流挾終

南之壽山指重城於二華拓外門於兩關玄素交川灞
漥在焉斷虹偃蹇而亘梁拖輪走驟而蹄奔度萬國以
向朝趨魏闕之通門赤縣統劇停阡帝鄉長安萬年乾
封明堂藍田左倚鄠杜前張分圻連乎馮翊畫疆接乎
岐陽排吳山而抵蜀亘氏谷而通商其中則御水分溝
昆明下流在野決溉入宮環洲菰織蒲紉芡贅菱羞渚
戲青鷗沙眠白鷗其遠也深有蛟潭派作龍湫溪接河
漢波通女牛其近也方塘含春曲沼澄秋戶閉煙浦家

藏畫舟土厚地中溫寒以宜門多杖老室有蕃兒承化
發謠帝力不知則有程鄭之家白闥朱軒崇基峻砌待
駟高門木秀茸葩紅舒綠繁挺碩果於華林育豐蔬於
中園珠箔晝晦金釭夜明羅繡巾幘鼓瑟吹笙譁族陳
賓以樂乎太平貨隧分廬物次駢連中署肆帥夕咽朝
昏越璞楚琛蜀賄巴賓裁綺張繡紋軸蕉筒交錯雜沓
斯焉會同黃宅縑廬金篆玉局以張帝居用壯天廷千
形萬聲不可多名又東都賦曰若乃用洛為池帶河

為沼洞八門之會要控二梁之天矯赤縣神州與京比
儔逕東山之貢賦扼關外之諸侯宜齊梁而駕輅引淮
汴而通舟太行枕甸發址崇垓覃懷鎮封上千昭回鑿
門導伊兩阜屏開育仁頤智堂與庭隈爾其左掖通東
右掖洞西籠故地之銅駝抱舊里之玉鷄御溝接派苑
樹通堤抗鳳樓於內庭矗端門於天街上陽別宮丹粉
多狀鴛瓦鱗翠虹梁疊壯橫延百堵高量十丈出地標
圖臨流寫障霄倚霞連屹屹言言翼太和而聳觀側賓

曜而疏軒若蓬萊之真侶瀛洲之列仙鸞駕鶴車往來
於中天嚴城曉啟千門萬戶建衛對營開扃接牖翠華
在鎬分官以守監署惟三卿曹止九禮樂所流厥惟舊
周追魯俗而為鄰化殷頑而作柔異材挺擢多士優游
原撫撫而耕溺水濺濺而洗由 宋楊侃皇畿賦曰大
矣雄圖昭然聖謨謂陳留天下之衝要大梁海內之膏
腴漢祖得之則齊楚之敵敗亡相繼咸就擒而即誅梁
王守之則七國之師不敢西向盡為馘而為俘實王氣

之長在宜萬世而作都也莫不廣封溝設險固襄平割
宋之美田戴邑裂曹之沃土滑分屬邑之二城陳滅太
康之萬戶潁川之鄆陵扶溝滎陽之中牟陽武咸命落
編民於州籍升地圖於天府故得雄臨九州陋視三輔
經營歷於五代法則垂於萬古圖書載詳境土斯見開
封則漢志之名邑今二京之首冠祥符則天書之降年
易新名於舊縣穗秸之入斯為近甸若乃百萬衆之分
營十二市之環城囂然朝夕異彼郊垌其東則有汴水

之陽宜春之苑向日而亭臺最麗迎郊而氣候先暖鶯
轉何早花開不晚瞻太乙之清宮壯先朝之命工構宇
煙霞之外出俗囂塵之中其南則有崇崇清壇肅肅齋
宮卜是吉土龜從筮從永奉禋祀郊見昊穹別有景象
仙島園名玉津珍果獻夏奇花進春百亭千榭林間水
濱其西則有池鑿金明波寒水殿鷁首萬艘而壓浪虹
橋一道而通輦太液無濫觴之深靈沼有潢汙之淺一
派如飛通漕架虛貫都注御溝之口轉漕通廣濟之渠

京索導源而於彼金水名河而在茲其北則含芳舊苑
瑞聖新名十洲象景三島分春彼沙臺之崔嵬聳佛剎
之千尺岡阜連延於西南原田平坦於東北何沙海之
飛揚忽到此而止息若夫八澤九溝二池三固周流原
野表界境土宿萬勝以遙觀見斗門之雙注吸驚浪以
橫來絕長堤而可懼西望河流襟帶二邑高岸山立回
灣箭急右倚太行橫絕雲霧夫雍阻二嶠之險洛憑九
河之固方之於是彼若平路過濮水之長渠經封國之

舊城寥落兮桐牢之亭湮沒兮黃池之迹何昔也明誓
重重諸侯於此會同今也京邑翼翼四方於此取則

周邦彥汴都賦曰惟此汴都禹畫為豫周封鄭地甯觸
臨而上直實沈分以為次芒碭渙渦截其面金隄玉渠
累其脊雷夏灘沮繞其脇壘丘訾婁夾其腋梁周帝據
而糜沸唐漢尹統而寧一故此王國襲故不徙恢圻甸
域尊崇天體司徒制其畿疆職方辨其土地前千官而
會朝後百族而為市宏基融而北址植九鼎立而四嶽

位仰營域而體極立土圭而測晷蜀險漢全荆惑閩鄙
惟此中峙不首不尾限而不迫華而不侈環睇眈於郡
縣如岫嶺之迤邐觀其高城萬雉埤堦鱗接利過百二
嶮踰四塞闔城為門二十有九瓊扉塗丹金墉鏤獸列
兵連卒呵夜警晝其衢四達其塗九軌劇驂崇期蕩夷
如砥異羊腸之詰曲或踰蹠而折轆若夫帝居安麗人
所未聞南有宣德北有拱辰延亘五里百司雲屯兩觀
門峙而竦立杲愚遐望而相吞天河羣神之闕然微太

乙之宮擬法象於穹昊敞閭閻而居至尊櫟桷不斷素
題不枿上圓下方制為明堂告朔朝歷頒宣憲章陋甘
泉與楚宮繆延壽與阿房其西則有寶閣靈沼巍我泛
灔縹以重垣防以回隄雲屋連簷瓊欄壓墀池水則溶
溶沄沄洋洋湜湜儼櫺景以斷續漾金碧而陸離恍渢
渢與方壺帝令鬼鑿而神移其中則有菰菹萑蘆菡萏
蓮葢蘋蘋蓴蓴其魚則有鱣鯉魴鮓魴魴鯉魴魴魴
鰕鰕歸王鮪科斗魁陸鼃鼃鼃蜃含蜃巨螯容與相羊

華迴馭龍旆載揚觀紫氣於芒山辨白水於南陽灑翔
鸞之神翰揆鴻藻之天章於是建南京陪上國首諸夏
作民極對列乎浚郊相輝乎洛宅頌慶洞開歸德峻峙

正殿曰歸德
端門曰頌慶

偉宮室之光明仰觚稜之神麗儉不至陋

奢不逾侈旁立原廟歸罪穹崇殿實有三一祖二宗顯
文謨而承武烈彌萬祀而無窮俯浪宕之舊渠迴伊洛
之清流灑江吳之漕粟浮寶鷁之千舟若乃昭仁崇禮

迴鸞祥輝

南都四
門名

連闌帶闌列隊通畿萬商千賈鱗集

羽歸星布纖麗山積瑰奇其原野則田疇彌望不可計
數浸以耀漁之源被以沃壤之土舉趾即雲荷鉏迺雨
芄芄離離禾麥稷黍其亭館內之則有流觴淶波檜陰
四合照碧妙峰武備道接外之則有朝雨暮雲暖風殘
月又有玉觸金鏤光華姿喜嘶馬落帆芳草柳枝之列
聯觀光與望雲指中天之魏闕其池沼則東西二湖滉
滉迢迢水澄似鏡波泛如潮窺馴鷺於別渚識海鴈於
舊橋陟高臺而環望悟神意之自如臨綠水而暫止疑

放曠於江湖若予之所舉僅知其髣髴十分未得其一隅
明李時勉北京賦曰曰惟北都在冀之域右挾太行
左據碣石宗恒嶽其巍巍鎮鑒閭而奕奕冠九州之
形勝實為天府之國於是仰瞻析木俯測地靈龜筮兆
吉天人叶應爾乃懸水樹泉識景表營建不拔之丕址
拓萬雉之金城引天泉於西阜環湯池而鏡清九衢百
廛之通達連薨邃宇之縱橫若乃四郊砥平皇道正直
視萬國之環拱適居中而建極其南則萬流宗海平林

蔽天澹淤恒衛經其野濡磁涑桑匯其前界以大陸廣
阿之弘壤扼以大茂井陘之連山膏腴之地綿亘三千
餘里而極於黃河伊潁之川其水陸之所產卓犖繁盛
蓋莫得而計焉其北則疊嶂崑崙層巒蔽虧長城矗乎
雲表百泉湧乎山隈壯天關而設險守一夫而莫開包
狼山上谷之阻據野狐獨石之危掩祖山木葉之離立
連白登紫塞之逶迤其東則潞河通漕控引江淮肥如
灤涑灌注縈迴環以大海衆水所歸洪濤巨浪洶湧崔

鬼蓋不知其幾千萬里而蠻商番舶帆檣隱天上下不
絕而往來又有蓬瀛方壺鳳麟聚窟十洲三島靈異非
一琉精之闕瓊華之室墉城宕堯金臺萃律氣丹青
景雲矚目靈圖偃佺安期羨門之徒相與從遊於其間
出入隱見而恍惚其西則崇山鬱翠高挹泰岱北接居
庸南首河內奇峰擁闕龍門阻隘玉泉垂虹青煙浮黛
上截竊兮倚空下蟠據而際海其麓則有渾河湯湯西
湖泱泱鹽溝琉璃桑乾廣陽雪波泛湧灝漭汪洋一瀉

千里會流帝鄉又有上林禁苑種植畜牧連郊踰畿緣
丘彌谷澤瀦川匯若大湖瀛海渺瀰而相屬其中則有
奇花珍果嘉樹甘木禽獸魚鼈豐殖繁育颺颺籍籍不
可得而盡錄若其宮室之制則居高而臨下背陰而向
陽奉天凌霄以磊砢謹身鎮極而崢嶸華蓋穹崇以造
天儼特處於中央上象天體之圓下法坤德之方兩觀
對峙以嶽立五門高矗乎昊蒼飛閣屹以奠乎四表瓊
樓嵬以立於兩旁廟社并列左右相當闢閭闔其蕩蕩

儼帝居於將將玉戶燦華星之炯晃璇題納明月而輝煌寶珠焜耀於天闕金龍夭矯於虹梁其後則奉先之殿仁壽之宮乾清坤寧眇麗穹窿掖庭椒房閨闈閼通其前則郊建圜丘合祭天地山川壇壝恭肅明祀至於五軍庶府之司六卿百僚之位京尹赤縣之治所王侯貴戚之邸第守羽林而掌飲飛者至九十有四衛莫不井列而棋布各雄壯而偉麗金幼孜皇都大一統賦曰維此北京太祖所屬天造地設靈鍾秀毓總交會於

陰陽盡灌輸於海陸南臨鉅野東瞰滄溟西有太行之
截嶺北有居庸之崢嶸瀉玉泉之逶迤貫金河而迴縈
瓊島上聳以盤礴太液下澈而泓澄乃卜良辰乃蠲吉
日以相以度以構宮室棟宇崇崇簷楹秩秩以蓋以覆
陶冶埏埴以繪以圖黝堊丹漆煥五彩之輝煌作九重
之嚴密天地洞開馳道相連金鋪絢日玉柱凌煙星羅
綦布壁燦珠聯虹飛霞擁龍翔鳳騫超凌氛埃壯觀宇
宙規模恢廓次第畢就豁千門之雲矗敞萬戶之輻輳

至若丹闕巍巍飛觀凌空觚稜上聳閣道遙通左祖右
社蔚乎穹窿禁城之下金水溶溶畫棟凌雲繡柱含空
璇題耀日綵橋駕虹若夫御苑逶迤上林深窈有山有
泉為臺為沼巖谷谿谷雲霞縈繞走有奇獸飛有靈鳥
樂寬閒以棲息恣回翔以馴擾又若百司庶府有綱有
目太學郡庠之並建琳宮梵宇之森矗列九衢之坦坦
引六街而相續問閭櫛比闐閭雲簇馬馳聯轡車行擊
轂又若歌樓舞榭艷態穠粧羅袖回雪清聲遶梁管絃

嘔啞狎坐傳觴娛青陽之麗景駐白日之飛光桑悅

南都賦曰明之南都宿分於斗職域於揚斗則日月之

所佞秘五星之所乘營是謂天維揚則拓土畫疆卓犖

兼并是謂地綱論大形勢桐柏之源東馳般汨揖濁灩

而招沂泗者於此乎會岷山之支東累綿衍出庾嶺而

包彭蠡者於此乎盡誠江海之都會也山林之總轄也

而况口以三吳足以荆蜀八閩二廣可伸可縮堪輿之

精盡於是矣細論藩屏則天設雄塹表以鍾山褻以長

江山則掩謫崔聳艷歇峻翔表塊礪盡尖台鬼亢截業
墳凡追詭廉盪晴兮黨黨晦兮璋璋氣雲薄兮擬封秀
震挹兮可捫江則膠戾蛟殺砰湧便注丕瘳瀕溢恬混
澶泱逢潏溶瀆泔洞泐荒渙兮格格允兮統統喜汙汙
兮穆協怒趨趨兮讐閼均山惟榆丕江迺桑如韓孟之
齊騁類楚漢之相當挾以石頭秦望之蔓麗蒂以後湖
玄武之汪洋嶺一頡兮千熊罷浪一頡兮幾城隍欲纖
摹其詭異洵一挂而萬亡其洞則有華陽玉柱良常羅

姑各有真府神切天砮門隄隄兮混沌未鑿室閭閭兮
氣化馴剗丹崖甲乎連櫬翠壁貫乎稜觚其泉則有白
乳一人玉兔喜客婁地籟之于于垂天紳之默默歛川
后之津液菑山靈之骨脈雨或嘲而囂囂風或譽而嘖
嘖其池則有覆盃石墨天淵蓮花昔人留兮指爪朽名
潤兮無涯又有堤名太平堰名余家瀨名投金泓名丹
砂九曲霹靂溝河湓繁芳草躍馬澗河清華又有田疇
則黍稌咸宜桑柘斯植水耕火耘風經雨織一犁鬢鬢

分斛粟半筐縹緲分尺帛真中華之心而四方之極者也
帝省山川可為皇據惟古帝王或命於陶或命於牧
惟豐惟鎬文武是屋儲茲地髓以俟天牧於是役吳載
柞命晉其耘宋齊為畚梁陳為斤其建金華赤烏玉燭
重雲太極清暑之俵麗結綺永安之青薺孰非先埽我
金門之路清吾玉殿之塵也哉逮元脫紐宇宙沸𩇑閃
茲地也鬱鬱蔥蔥暉煌煌增渥補泊銜紫浮緗虹經
撮彩雲緯成章旂兮若燭龍之燄裕兮類若木之光盪

踞虎而將躍，暈盤龍而欲翔。其在水也，漫汎氤氲，逐泛漳
增銍煜乎若巢金之欲彰；其在水也，漫汎氤氲，逐泛漳
揚灝乎若頽波之弄西陽。裨竈瞻望而躑躅，景純睥睨
而周章。非名都之將建而先發其祥耶？又北都賦曰
聞北之為都，宿屬於箕。地名幽州，神堯之聖域，召公之
賢丘。地勢累崇，蹠蹠捭捭，膊齊魯為柶，綴趙遼作旒。東
阡逶迤而左達太行，巍危而右道渴渌，無涯峻峭，莫儔
天合其所，人凝其績，築城伊減，作都伊匹。規乾準坤，以

究安宅五門環環千廬抗抗雙華嫚嫚丹闕額額峙以
文武列以順掖東連宗廟西靠社稷南薰仁智前經後
緯思善翼善左輔右弼奉天前迤斷斷特特若園倪之
無極華蓋中莅鏘鏘磐磐若春盎之可即謹身後擁瓌
瓌赫赫若混沌之未劃悉眴其桷悉扛其楹剡柱乳楣
巨纖舩墀構櫨禁楸疎戚懃迸陽棲其正陰止其冥懸
魚泚凜而下垂拒鵲嬉脾而上騰彼榴榴之雄梁黻崇
墀而獨承羣材膺職渠渠迺成遊衍之區爰營西苑汎

以太液之嶙嶙峙以瓊華之妃妃池則汪洋漫衍滌潢
潭沲楊以江離芙蓉點以芳藻綠荷含英吐華醕醑薰
波島則巉巖磊砢弗鬱危縹太湖輸精武康貢英薄平
泉而不即眇艮嶽而弗登迺築崇基殿以廣寒古柏十
圍矮松百盤俯雙橋之千柱仰萬歲之層巒南墉之中
亭館綿延逖以綺錠複以粉胥東南其戶寒暑攸偏涼
登洗髓之域和躋浴沂之天惟南有圓釧釧娉娉臺呼
名鷹歸翦雲齊規以楣垣衛以危檻佳實累杈灌木垂

槎幻靈芝之萋萋茁茁脫之萋萋蚊息蠕動驚擊獮起
或并命而比翼或兩額而三蹄以至大月一封之駝黃
支獨角之犀昆明吐金之鳥三佛吞火之鷄天山識樂
之帝江哈烈弄毬之狻猊亦安薛公之鞠養受毛丘之
羈縻環以靈沼劃以崇溪水禽淵魚隨方躍棲悉涵負
乎恩澤動濡爛而敷祈

原詔唐太宗建東都詔曰朕聞踐華固德百二稱乎建
瓴卜洛歸仁七百崇乎定鼎是以控膏腴於天府啟黃

圖於渭濱襟沃壤於王城攜綠宇於河渚市朝之城麗
皇州之九緯丹雘之原邈神皋之千里二京之盛其來
自昔此都心茲宇宙通賦貢於四方交乎風雨均朝宗
於萬國曲阜之規猶勤測圭之地載華豈得宅帝之鄉
獨稱都於四塞里王之邑匪建國於三川宜改洛陽宮
為東都上棟下宇彼勞昔以難前廣廈高臺我名今而
改彼仍茲舊貫式表宸居 增宋高宗定都臨安詔曰
昔在光武之興雖定都於洛而車駕往返見於前史者

非一用能奮揚威靈通行天討上繼隆漢朕甚慕之朕
荷祖宗之休克紹大統夙夜危懼不常厥居比者巡幸
建康撫綏淮甸既已申問邊圉獎率六軍是故復還臨
安內脩政事繕治甲兵以定基業非厭雨露之苦而圖
宮室之安也遂定都故今以臨安府為行在所

增頌明鄧林皇都大一統頌曰天作神京山河鞏固聖
皇宅之永隆寶祚惟此北京冀域堯封龍潛舊邸王氣
所鍾爰法天經爰因地義斷自宸衷率由舊制乃營三

殿三殿堂堂乃立九門九門將將乃築園丘乃除方澤
父天母地於焉昭格乃嚴廟社乃定市朝規模位置秩
焉有條龍樓中岷鳳閣前峙禁城萬雉邦畿千里乃廊
阿閣玉戶金鋪赫然壯觀偉矣弘模府第星羅廬井櫛
比萬象一新兩京駢麗洪惟聖皇與天合德營此北京
象彼北極惟北有極環拱衆星惟北有京包舉八瀛日
月貞明山河帶礪聖子神孫本支百世

增表唐李嶠請車駕還洛表曰載祀七百卜年非豐鎬

之地時乘九五啟聖由瀍洛之鄉所以受龍圖龜書所以朝雨師河伯萬靈幽贊百物阜昌是曰天地之心實興帝王之祚况復園丘方澤神祇之兆域以安復廟重檐昭穆之尊卑既叙定社而立稷建邦而設都是萬年長王之郊誠億載不遷之宇加以舟車并湊水陸交衝物產尤多觀聽胥悅衆庶有來蘇之冀神靈翹望幸之心伏願俯察氓謠仰祇天意涓時擇日屯萬騎而出函秦省俗觀風撫四方而還輦洛衆星拱列長居辰極之

尊萬國駿驅載詠朝宗之府 明梁本之為魯王賀建
北京表曰定鼎在興王之地建都效卜洛之規道里均
平山川鞏固於此繼天出治發政施仁禮樂明備而三
階砥平垂拱無為而四方來賀綸音誕布允為洛誥定
命之書鴻業告成載詠鎬京復古之雅

增序明劉侗帝京景物略序曰都應垣也燕之應極垣
有三焉極一而已矣日東出躔十有二極北居指十有
二以柄天下之魁杓天險設於坎地勢厚於坤皇建而

人民會歸於極有進矣中宅天下不若虎眠天下虎眠
天下不若挈天下以瓶而身抵其口雒不如關關不如
薊守雒以天下守關以關守天下必以薊文皇得天子
自守邊之略於厥初封都燕陵燕前萬世未破斯荒後
萬世無窮斯利捶鞞九邊橐篋四海豈偶哉於焉神人
萃物爽憑成周鼓文漢代瑞像脰翼謂何氣先符應他
若潭雲塔影龍螺洞光木石幻氣精熙游盛今古雖留
更僕未可悉數也

增辨元吳澄東西周辨曰東西周有二一以前後建都之殊而名一以二公封邑之殊而名昔武王西都鎬京而東定鼎於邦鄩周公相成王宅洛邑營澗水東瀍水西以朝諸侯謂之王城又謂之東都實邦鄩於今為河南又營瀍水東以處殷頑民謂之成周又謂之下都於今為洛陽自武至幽皆都鎬京平王畏敵之逼去鎬而遷於東都平以下都王城曰東周幽以上都鎬京曰西周此以前後建都之殊而名也自平王東遷傳世十二

而景王之庶長子朝與王猛爭國猛東居於皇晉師納之入於王城入之次月猛終丐立踰半期而子朝又入王辟之東居於翟泉子朝據王城曰西王敬王在翟泉曰東王越四年子朝奔楚敬王雖得返國然以子朝餘黨多在王城乃徙都成周而王城之都廢至考王封其弟揭於王城以續周公之官職是為周桓公自此以後東有王西有公而東西周之名未立也桓公生威公威公生惠公惠公之少子班又別封於鞏以奉王為東周

惠公之父子同謚以鞏與成周皆在王城之東故班之
兄則仍襲父爵居於王城是為西周武公以王城在成
周之西故自此以後西有公東亦有公二公各有所食
而周尚為一也顯王二年趙韓分周地為二二周公治
之王寄焉而已矣周之分東西自此始此以二公封邑
之殊而名也前後建都之殊者以鎬京為西對洛邑為
東周而言也二公封邑之殊者又於洛邑二城之中以
王城為西周對成周而言也一王城也昔以東周稱後

以西周稱夫周東西之分因武惠二公各居一而名王
則或東或西東西之名繫乎公不繫乎王也鮑氏云赧
徙都西周西周鎬京也嗚呼鎬京去王城成周八百餘
里自平王東遷之後不能有而以命秦仲曰能逐敵人
即有其地鎬之為秦已四百年于茲其地在長安上林
昆明之北虎狼所穴而王得往都於彼哉

御定淵鑑類函卷三百三十三

謹案第一頁後二行兩江珥其市刊本珥訛飾據
賦彙改

第十一頁前二行鶻鶻春鳴刊本鶻訛雕據文選
改

第十六頁前三行飛狐刊本狐訛壺據賦彙改
第二十三頁後四行下周萬壑刊本周訛同五行
布葉天柱刊本柱訛桂並據賦彙改



總校官庶吉士臣張能照

校對官編修臣朱攸

膳錄監生臣周學澐